



03942

張燕公集卷十九

唐

張



碑銘

常州刺史平君神道碑

公諱貞眷字密一字間從燕國薊人也蓋晉之公族有  
韓國者列于世家韓之餘子食平邑者因爲氏姓有漢  
丞相改造繡衣在魏薊侯宅茲元社故瓜瓞綿于三輔  
枝葉盛乎兩燕魏齊之間世濟其美公卽北齊司空公  
璽之曾孫秘書郎子敬之季孫故偃師令直容之叔子

張燕公集

卷十九

一

鍾積慶之洪胤包太和之粹靈敦龐沉靜直方簡易仁  
義根心政理率性度以禮義文以詩書戶部尙書清河  
崔知悌朝望人倫公之文友深賞延譽遠近宗焉始以  
司成館進士補盧州慎縣尉刺史盧寶胤舉器藏下寮  
轉冀州大都督府曲沃縣尉換晉州洪洞縣主簿北平  
陽道昕氣尚標舉河東裴知禮鑒裁精別陽推以孝友  
資身裴亦薦以經邦興化徙雍州新豐縣尉廬少儒引  
爲檢點判官差卒選校小大推允休議登聞擢監御史  
裹行奉使黔中監選有牂牁謝鳳節仁奏罷漢官專任

首領公上其挾姦樹黨傲擾藩落天子悟焉再使置吏  
遠夷騷而旋定舊貫改而復完又駟牧在野攘竊是繁  
耗以歲月莫之禁禦公輅車上隴羣愚畢露表監官斛  
斯果之輩奪職者九人沒賊者萬計收園知禁思無邪  
矣開耀聞吐番侵境帥旗不給乃購運酬勲募耕入選  
利之所聚詐亦居焉公與大理正王守一於河蘭鄯廓  
四州推獲僦羅王希古盧種王誕其徒二千餘人正處  
其罪爰得我直授監察御史內難去職居喪過毀死者  
貽憂光宅初肇延兩臺分典百郡服闕授右臺監察御  
張頊公集

卷元

二

史巡察河南澄清郡邑昇賢獎罪能執其中類功最加  
兩階拜右肅政殿中侍御史郎官法天古難其選固美  
斯在再拜司勳員外郎永昌中遭凶黨網羅爲周興所  
奏貶溫州固安令州特舉清白改鴻州櫟陽令邑多滑  
人屢宰敗駕公威簡有素誠結無欺率是而行人用不  
擾獄行自靜狼戾反慙詔書嘉譽加朝散大夫又羅密  
徒貝錫爲河內所鞠降括州員外司倉尋而事白進吉  
州司馬神龜中興官反舊政窮鱗浦而縱壑墮羽翼而  
順風拜司門郎中兼衛王司馬無何正除衛王司馬拜

太子左庶子以節愍之禍出爲涪州刺史未往又轉盧州司馬致仕久之景龍中復起左諭德兼崇文館學士詔曰公指紳耆彥操履清淳令譽播于始終嘉績宣于中外儲闈論諭雅望尤高宜申朝典俾加徽服可銀青光祿大夫又攝詹事東都留守拜常州刺史居歲餘優詔致仕享年八十先天元年仲冬薨于河南之正平里第遺令近地便葬歛以終服開元二年冬卜葬于伊闕之西夫人河東縣君柳氏祔焉禮也公出入四朝歷官二十其進也皆擇能錄勤惟德是與其退也必舍垢受

張燕公集

卷九

三

屈在涅不緇子文之量從可知矣凡撰淳孝友悌傳各一篇以匡儲后撰先君親友傳十卷以篤故舊撰家譜家誌各十卷以明系本撰河南巡察記十卷以辨風俗非通埋博物立誠錫類其孰能見志以著書因事以設誠若斯之盛也有文集十卷行于代初公侍祠清廟有髦士之宜而先考偃師贈蒲州長史自祖考三葉塋無碑記公諮諸通儒而追建銘碣幽趙之士以爲美談夫爲子則頌德以尊祖飾終以榮親孝之大也爲臣則不枉毫髮以顧私不避豺狼以撓法忠之至也潔志則利

不涉口欲不萌心清之源也履道則不俛眉以悅勢不  
屈色以苟容正之方也詩曰仲山甫舉之公有其德傳  
曰左邱明恥之公有其直總是四善遠齊二賢于是芬  
苾令聞優游眉壽惠風激于勝流丕績數子哲后然以  
忤彼權貴保茲介特不登三階以正四國貞白之似儼  
焉太息其孤摠授充窮立血攀所真懷俾予作頌布哀  
豐石恭惟先人之寮友常奉長者之話言公雅珍確實  
不尚華靡敬慎風規直紀行事業廣詞編萬無髮髯少  
子授入分之妙獨善當時公平且惠愛故存之刊刻詞

張燕公集

卷五

四

曰峩峩淑德克生休命履孝蹈忠舍清體正如玉之潔  
如金之鏡高明濟美學以潤之官方正事靜以鎮之嚴  
嚴憲府公三峻之赫赫儲宮公三訓之道有行廢時有  
泰否三入三出無愠無喜鼓缶而歌懸車致仕全歸葬  
儉允也君子西山幽幽東川悠悠雲過墳闕風薄松楸  
人亡道存榮往哀留貽世作則行歸於周

太子少傅蘇君神道碑

按文苑英華盧藏用序張說銘

惟唐景雲元年歲在庚戌十一月己巳太子少傅許國  
蘇君薨于崇仁里之私第春秋七十有二嗚呼哀哉粵

明年三月巳西朔葬我公子武功之先塋禮也公諱瓌  
字昌容京兆武功人也其先出自帝高湯厥厝曰黎實  
勤火止逮昆吾之子始封于蘇以國受氏公其後也暨  
漢平陵侯子侍中嘉魏侍中則首尚書遜聯華國圖代  
載明德公高祖周度支尚書封國公諱緯立言成務垂  
法後王曾祖隋尚書僕射開府儀同三司雍州牧諱威  
嘉譽成績懿于當代大父隋尚書職方郎中鴻臚卿諱  
夔理綜羣品識覃衆妙烈考秘書丞沁台二州刺史追  
贈岐州刺史諱某遊藝聚學素風不隕公系上聖之遐

張燕公集

卷九

五

緒鍾盛德之衆茂資元和以體仁穆清明以成美初孩  
而孤稟絳郡夫人之慈訓幼而岐嶷聰敏冠裳始讀山  
棲志一覽便誦及長博通經史尤善屬詞年十八進士  
高第補寧州參軍轉恒州司法丁絳郡夫人憂自中出  
涉寒從至京兆哭不絕聲性以禮全形以哀瘠左庶子  
張大安以孝弟上聞服闋拜恭陵丞轉相王府錄事主  
改封豫官亦隨府上帝卽拜朝散大夫尚書水部員外  
郎未幾兼侍御史淮南廉按俄轉夏官員外郎兼宮允  
丞歷水部祠部郎中兼判司理事以親聯出爲朗州刺

外轉歙州刺史武興令檢校冀州刺史累遷汾鼎同汴  
陽陝以累最入爲尚書又拜右丞加銀青光祿大夫遷  
尚書左丞戶部尚書又拜侍中京師留守兼理冤滯車  
駕還京持節河北安撫加金紫光祿大夫轉吏部尚書  
東都留守尋追還守本職尋拜尚書右僕射同中書門  
下三品封許國公修國史今上踐祚拜尚書左僕射屢  
抗疏乞骸優答不許拜太子少傅公長子頴歷給事中  
中書舍人嘗與公聯侍紫墀接機黃閣前後之拜近古  
未有公體道貞固立志簡直多識前言遍詳舊事自周

張燕公集

卷九

六

隋損益家牒可紀五則紹之罔不畢綜故閨門之內孝  
弟成則朋友之間忠信克舉其在參佐也婉變柔嘉醜  
夷不爭其事藩邸也從容諷議賓寮是仰四爲郎而彌  
綸之功布於省閣九爲牧而循良之績著於州郡周旋  
二轄焯耀文昌廻翔兩宮耀鑠巖廟版圖國之信而五  
教在寬冢宰人之紀而九流式叙左右端揆盡訏謨之  
略東西掖闈備忠讜之美德逾盛而心益下位彌大而  
行益恭用能高而不危長守富貴考父三命謙光數朝  
平仲一心中孚累聖非至德淑慎疇至此哉夫其仁恕

篤密清廉簡惠躬儉約以自持蹈名教以檢物祿以周  
給不積于家財以睦親必均于眾故義廣而私謁之途  
阻名揚而兼濟之道宣茲亦叔敖之賢國僑之懿也幾  
深通志精悟默識然文以躡迹靡絢其華學以辨微固  
伸于已故始終機揆舉無遺策斯又子房之智孔明之  
能也造膝沃心務存匡救引過稱善不近於名故聲聞  
于天而口無擇績宣于事而心罔專蓋叔子之仁孔子  
之慎也兼期衆善以享明德方將三階載理兩宮更曜  
天命不佑奄忽遷殂朝喪其楨人隕所戴天子悼焉臨

張燕公集

卷九

七

遣大府卿李從遠策書弔祭輟朝三日有司脩禮發哀  
追贈司空荊州大都督賻絹八百段米粟八百石凶事  
葬事並官給賜東園秘器大鴻臚卿監護官爲立碑皇  
太子別次發哀遣洗馬弔祭賻物二百段義和擇日  
常考行朱旗載路班劍啟行哀榮之禮備矣諸侯之孝  
終矣公家代尚儉載在縑竹其生也門無生賓堂無雜  
客其終也塋無封樹隧無碑表大漸之始遺令遵行頰  
等泣血受命罔有踰越雖逼朝旨不旌墳壙建碑于塋  
北一十五里故文藝之行經緯之迹雖備于國章布在



人口懼違先訓皆略而不書中書侍郎同中書門下平  
章事范陽張公雅俗之鎮具瞻令德文章之難談者爲  
楷偉公道德之首徽猷可行刊石紀頌穆如情風詞曰  
斤斤蘇公體正含道稟靈淳粹爲唐元老忠以衛主孝  
以立身文以經國惠以安人司牧九郡九郡爰靜平章  
百工百工爰整千載典憲三朝綱領上纂先人五代相  
國下垂餘慶七子令德帝謂庭碩伊公是似接待玉輝  
序拜金卮聯華疊潤佐我天子於戲彼蒼國幹云亡地  
頽五岳天折三光備禮詔葬羣官會喪掌史司德刊銘  
張燕公集

卷九

八

路傍

邢王府長史陰府君碑

公諱某字某武威姑臧人也昔恭王之裔別封于管有  
夷吾者能霸桓公則平周辭上卿之禮適楚踐大夫之  
職以地命氏授于陰城新野之涼皆爲著族貴則重族  
二后榮則一門四侯道則山紀神仙行則禮題忠義建  
名崇德世有其人公高祖湘東內史鏗梁州之子屬詞  
比事天下宗之曾祖江州刺史通道館學士顯祖朝請  
大夫國子博士弘道考某官景明貽範清白纂烈文史

累善所徵及公而盛公承禮樂之峻冑稟清明之異姿  
天生粹靈氣合真素下帷專思重席擅業至人藏用有  
道德之卿君子爲儒無榮辱之境尚東郭以自逸與南  
容之不廢調補陳州司倉徵其志也以爲非足利時不  
容終秩遂優游初服述祖移年嘿志元言洞心清律常  
手操經籍耳練宮商澹有怡神坦無嬰慮是可忘機造  
化豈徒屑意公卿而已哉故德充以外形才全以內濟  
委懷從運與道無名尋拜命宜城王府記室叅軍退一  
隅而无悶進三府而交辟署宰長河曲資而往曰惠人

張燕公集

卷九

九

無小吾所從之其至也去惡如救焚急賢如濟渴遇物  
風偃推心理裕平其志而異物不遷一其誠而萬情咸  
括清猷美績克存餘詠飛狐之地戎馬生郊俾公爲蔚  
州別駕則惠化所存勇且知方肇建天人懋官靈器人  
爲慶王友轉太子中允又拜國子司業邠王府長史或  
舉德以進或尚閑而退不失其正達識推高某年月日  
寢疾東都終于永豐第春秋七十有五惟公率心經于  
德義檢口絕于臧否秉禮樂而視正直蘊文藻而含清  
真可不謂才全而蹈道者歟位不兼濟惜也夫人范陽

縣君張氏丞相燕公之妹立思妙德嬪風女師梁氏義  
輕于前志曹門克貽于後範府君之喪紀纒將縞晝哭  
成疾恐流年之易除慟累月而云逝去而不朽者非禮  
節絕倫之謂乎春秋若干以某年月日合葬于龍門南  
陵原禮也公無子有二女咸以淑行著于通門喪葬克  
家感戚行路子壻吏部郎中吳興張珣度支員外郎隴  
西李愷永懷清水緬託貞石庶乎時遷陵谷猶徵少女  
之詞道在宗親不昧諸姑之德大人爲頌俾小子序焉  
賢哉陰侯孝友仁信符彩外發清真內鎮史門文宗國  
子儒盾克家踵武金聲玉振結髮筮仕利用勸心雉馴  
風化鹿賦文章函丈禮樂雷門紀綱微言教胄直道匡  
王年惟大耋克茂精爽疾不彌留怡然長往世比過隙  
生猶絕嚮契均范張會阻天壤通家自昔永懷厥初昏  
姻之故言就我居富同鼎食窮共園蔬動心規戒言成  
著書奪我良友天其喪余南望龍門東都九原萬籟酸  
骨千霜斷魂琴瑟都盡墳簾半存葬收子壻碑傳外孫  
人生到此天道何言

贈戶部尚書河東公楊君神道碑

張燕公集

卷九

十一

君夫孝在揚名忠歸令德事因感激氣概生焉時逢途  
難勲業成焉桃李灼灼不自言于蹊逕松柏青青不受  
命于霜雪窮獨善而無撓達兼濟而弗矜子曰君子哉  
若人吾河東公之謂也公諱執一字某弘農華陰人也  
司徒觀王雄之曾孫鄆州弘農公績之孫潞州胡城公  
思止之子戶部尚書相國執柔之弟觀公侍中恭仁公  
之伯父也安德公尚書令師道公之叔父也在隋則二  
代五公在唐則一門三相公台輔積慶稟清明之識河  
岳會靈資磊落之氣體剛毅深於城府總規略長于襟

張燕公集

卷九

十一

帶戲爲軍陣敵國之勢幼成請學兵書長城之望早集  
年甫十六先君捐館七日絕飲三年泣血縞綬有制儒  
家嘆其從禮柴棘加等議者憂其死孝清門祖德貴胄  
能貧太夫人在堂有致力之養非躬藝黍稷不以供甘  
旨非手樹桑麻不以薦絺纈年逾一純勤不知勞旣極  
安親之心方展事君之節乃濯纓潢渚獻策金門于當  
代之聖君論天下之成敗秦皇覽奏屏左右而與謀漢  
帝聞言膝前席而不覺一見拔玉鈐倉曹再見取尚食  
直長三見寘典設耶驟進直詞深觸權嬖爲易之兄弟

所嫉左授伊川府果毅又上封章帝用嘉納加游擊將  
軍右衛郎將歷左清道率換右衛中郎押千騎使總統  
貔虎使繁肘腋故得叶心五王馘勦二豎奮飛北洛推  
戴中宗嗣唐配天不失舊物以匡復勲拜雲麾將軍右  
鷹揚將軍封宏農縣公賞未充庸且有後命贈冠軍大  
將軍白威衛將軍進河東郡公邑二千戶賦四百室俸  
之鐵券恕其十死又錫天馬端錦珠盤瑤爵文綾五百  
縑素三千分三土之上腴處五等之高列瑠戈紫綬環  
衛於鈎陳玉瓚黃流侍祠于清廟豈知釁結梁魯政回

張燕公集

卷九

十一

豔哲里克納惠而爲戮葺宏城周而見咎彼五績之罹  
頽此三黜之迤躡山爲常州刺史以太夫人年老乞避  
卑濕特降中旨轉牧晉州駙馬都尉琅琊王同皎親賢  
地切休戚圖深安劉之策未逐鍾室之哭先及吏扇分  
獄公陷關通貶徙沁州刺史不知事仍長在夜魂九逝  
非北首而無歸晝戶重扃異南冠而同繫果能推分榮  
辱忘懷生死人不堪其憂公改不其操久之盡削官封  
放還侍母梁山雨雪不隔曾氏之思王畿風景來就潘  
園之養尋而大勲不廢天道復反歸旣奪之井邑起故

時之將軍擢衛尉卿復初封爵巖巖劍閣蜀之險要噉  
噉飛鴈人未安居飢渴仁明輯綏凋弊又授公劍州刺  
史蔚彼黍苗樂我膏澤內憂遠計殞絕經時于是搏膺  
星奔徒跣求路雨不接乘夜不解纜因心通禮朝流欽  
德有命奪情除汾州刺史知團結兵馬哀詠不允金革  
無違中國簡稽而有備單于遯逃而遠跡詔徵爲涼州  
都督兼左衛將軍河西諸州節度督察九姓赤水軍  
等大使公富以農政和以師律彰信蕃部赫怒軍容斷  
匈奴之臂積路安而不警張漢家之掖雪山開而無寇

張燕公集

卷九

三

遂攝御史中丞璽書勞倅縶賞稠疊又轉牧原州未幾  
復授涼州都督改右衛將軍徙悉如故尋移許州刺史  
未到以單于款關授右衛將軍檢校州勝都督兼處置  
降戶使懷柔以德種落宜之徵還本官又兼原州都督  
方屬降戶翻叛河朔倣擾邊城聳蹙諸將無功強修連  
率夏州按察關內羽書日夜俾遷郡牧公按甲待敵確  
乎不動虜騎畏威竟無來掠向使迴避行于一步則攘  
竊起于萬端十將耗五數年未復旣而強公追曉朝端  
延賞徵拜右威衛大將軍進檢校右金吾大將軍尋而

卽真禁衛肅然異于他日也皇上哀庶幾之不辜念羣  
雄之自孽大軍之後荆棘生焉乃命公攝御史大夫爲  
朔方元帥公剛腸嫉惡擒茲摘罪曩將之所彌縫宿吏  
之所乾沒匿臙散廩一徵百萬矯枉過正衆口囂然改  
右衛大將軍無何復右金吾大將軍金刀更新鞞鞘仍  
舊巖廊益峻微道增清又改金紫光祿大夫鄜州刺史  
人寬吏急猶前政也享年六十有五開元十四年正月  
二日薨于官舍闔境發喪列城望祭古之遺愛何以加  
焉天子傷之下詔曰故官某夙負名義早著勲庸居內

張燕公集

卷九

四

外之職備文武之任忠勤匪懈誠節無渝奄焉殂沒情  
深悲悼可贈戶部尚書歸贈成喪有加恒數維公以孝  
敷聞以忠特達以幹述職以能典兵凡領郡十四將軍  
十二再杖節鉞三執金吾一至九卿二兼獨坐儼有直  
色俛無媚盱錄艾復乎舊德珪爵傳乎祥胤全志節于  
夷險與福祿而終始諡曰忠公朝之令典也夫人新城  
郡夫人獨孤氏左威衛大將軍贈益州都督卿雲之女  
也婦德母儀中外師範開元四年先公卽窆以今十五  
年六月合葬于咸陽之洪瀆川禮也其孤濯汪等銜恤

靡訴託詞疇識感稱代之垂文哀劬勞之罔極銘曰  
堂堂楊公神密氣雄苦身難孝正國危忠落彼狡童樹  
此帝功昔稱關西今也河東觀王之裔珠華玉麗重葉  
尚主三朝嬪帝韡韡七德詵詵六藝公之亢宗鬱爲世  
濟涼鎮西方邦臨北隅天子授斧將軍剖符青蛇入笥  
白獸銜珠去持玉節來執金吾轉余爪士守于廊時明  
察號神仁恩名予武都右折文昌星死素蓋歸飛黃泉  
已矣卜葬卷阿哀榮孔多尚書鼓吹太守虞歌碑流雨  
迹松引風過獨封茅土長誓山河

張燕公集

卷五

五

張燕公集卷五  
倪思淳恭校



張燕公集卷二十

唐

張

說

異

碑銘

齊黃門侍郎盧公神道碑

有齊黃門侍郎范陽盧公諱思道字子行涿人也其先姜姓世祚東海別爲盧氏家于北燕自漢世中郎將植至侍中陽烏徵君之子稟天雟傑承家令軌清明虛受磊落標奇言不詭隨行不苟合游必英俊門無塵雜至於求己勵學探道覩奧思若泉涌文若春華精微入虛

張燕公集

卷三

無變化合飛動斯固非學徒竭才仰鑽之所逮也事齊歷散騎侍郎以翰林直中書中廢復進至給事黃門侍郎待詔文林館武平末天子摠兵禦寇太子監國于晉陽公留綜宮朝兼典樞密及皇興敗績於外而百寮蕩析於內公節義獨存侍從趣鄴告至行賞授儀同三司入周除御正上士定省歸郡郡人祖英伯作難公晉在其旅幽都旣平玉石將燼賴元帥宇文公特舉以舊有令聞引謁因命草露板立就駭其麗異其敏釋於齊斧之下揖于羣士之上除掌教上士隋高祖爲丞相也遷

武陽太守以母老乞解職優詔許之後復徵爲散騎侍郎奏內史侍郎事隋開皇六年春秋五十有二終於長安反葬故里凡更臣三代易官十七再降一免二去職八平除擢遷者四而已公處屯安貞賦詩頽飲視得失蔑如也臨難無懼在黜無慍危不去主仕不違親休明有賓禮之盛顛覆無淪胥之禍其大雅者歟夫禮儀損益公能言之故與熊安生詳定齊禮三墳五典公能讀之故與薛道衡侍學儲后公國華人望光照鄰邦故所居之朝應對賓客修詞抗議允執其中故青瑣黃縑異

張燕公傳

卷十

二

代咸掌大名之下豈誣也哉昔仲尼之後世載文學魯有游夏楚有屈宋漢興有賈馬王楊後漢有班張崔蔡魏有曹王徐陳應劉晉有潘陸張左孫郭宋齊有顏謝江鮑梁陳有任王何劉沈謝徐庾而北齊有滌邢盧薛皆應世翰林之秀者也吟咏情性紀述事業潤色玉道發揮聖門天下之人謂之文伯於戲國有校家有塾祿位以勸風雅猶存然千數百年羣心相尚競稱者若斯之鮮矣才難不其然乎然則飛黃虛騁百轡遺路鷓鴣天運萬翼無階文士擅名當時垂聲後代亦云才力之

絕衆故爾開皇以來百三十餘載天贊唐德生此多士  
公之元孫曰藏用濟美文館重祿黃門永惟衣冠子孫  
邑里多改先人封樹歲久將平廼假詞菲才刊石表隧  
庶乎涉齊地者不薪柳惠之隴過邢山者無惑子產之  
墓至矣乎盧氏之子其用心也遠矣銘曰

或或黃門實天生德才蓋一世榮聞四國文王旣沒文  
在人宏公爲宗匠當朝與能龍躍春鸞鳳鳴朝升或頌  
或變或雅或承理以神合聲以妙徵高視睢渙與君代  
興人之云亡十有一紀斯文未喪施於孫子新作豐碑

張燕公傳

卷三

三

德音不已

贈吏部尙書蕭公神道碑

仁以度心施物義以由道利貞孝以養志安親慈以教  
忠有後舉四行之尤善成百代之餘慶蓋得之於蕭府  
君矣公諱灌字元茂蘭陵人帝高辛之苗裔也元鳥授  
命教敷五德白雲入房網開三面微子封宋樂叔居蕭  
氏族之始也相國下秦大夫師漢門閣之宗也大齊以  
蕭竹膺期踐皇帝之位大梁以木刃興運張天地之圖  
傳寶祚於一家易鴻名於兩漢青蓋入洛重南國之衣

冠白馬朝周盛西雍之賓客公卽梁宣皇帝之元孫明  
皇帝之曾孫大父南海王珣入隋封梁國公纂德乾坤  
承靈眷哲舊邦雖改見周鼎之時輕新社仍封知晉圭  
之必大考鈞中書舍人率更令宏文集賢兩館學士學  
窮秘曠文標宗匠廣博幽深契神無迹温良恭儉與道  
爲徒是謂啓迪後昆而焜耀前烈者也公總山河之粹  
氣注日月之末光心根孝友器包禮樂動躡思後故口  
無擇言照在機前故身無擇行加以啓蓬山之塞路入  
藏室之元關四科得游夏之門六藝取鍾王之雋年十

張燕公集

卷十

四一

八明經高第補代王功曹王昇儲改通事舍人又換內  
直監曳裾西苑擅文士之場束帶東朝首正人之列尋  
以外艱去職王戎死孝時論憂之閔子免喪哀心未盡  
乃不就祥縞不撤几筵者久之或曰懷其寶迷其國行  
其志約其親可乎哉公曰吾過矣不得已而外除不擇  
官而祿任拜國子監丞以婚姻之故出爲甘州司馬徙  
集嵐二州司馬轉渝州長史其從政也反身以惠下推  
誠以敬上老吾老以施教幼吾幼以字人執是心也何  
往不濟故歷佐之邦必僻陋知方戎蠻蠻俗狠戾馴軌

貪饗寡欲迎新者望風而歌來暮送故者計日而戀不足詩云淑人君子正是國人能長人之謂也太夫人在堂有羸老之疾公因使入計得扶持還京下巫峽之波上當陽之坂展轉在側殷憂歷時夕不安枕衣不解帶及板輿長稅遂扶杖不起子春視疾加損徒勤石建執喪悲哀自絕永淳元年八月寓居穰縣終於苦益春秋五十有九先君之服也三年有終公過時不釋聖善之喪也五十不毀公戀親滅性君子曰禮也夫可謂至矣夫八京兆韋氏祖雲起兵部尚書父師實秦州都督公

張燕公集

卷三

五

卿令族蘭杜齊芬鳳皇飛鳴始正家道珠玉秀色終高母儀年五十有四長壽元年十月逝於京師布政里粵以二年二月辛卯合葬於少陵原之先塋禮也其孤嵩克戴聖君以宰天下大福再成於身後湛恩廣運於泉路開元十七年仲冬癸丑詔曰中書令嵩父某毓粹冲和降靈神象言入精微之奧迹登聖賢之軌位不充量道足庇人松檟雖幽音徽不昧宜承追遠之慶俾崇家宰之榮可贈吏部尚書同日詔曰嵩母韋氏門傳一經行包四德才淑冠乎邦族言範光乎母師誕茲寶臣作

予良弼封其石窳俾承土宇之榮表以金章永闕琦璜  
之飾贈魏郡夫人於是建宗廟修禮物榮君後命告我  
前人遠哉心乎一恩一敬之感會也如是垂裕立訓克  
家揚名遺愛至矣慎終備矣東武公之子孫共連塋闕  
南城侯之夫人同刻碑銘詞曰

維蕭係宗出宋之子天命齊歷河圖梁紀累帝重王雍  
咨文史是生那俊世濟具美仁義孝慈中和庸祗文章  
鳴鳳禮樂元龜碣館枚馬儲闡潘賈人望國華風流儒  
雅歷佐列郡政成休問行立時法言垂後訓沒而益榮  
張燕公集

卷十

六

追位冢卿哀感有情事傳無聲墓門松平碑字金生不  
知千古誰游九京

故括州刺史贈工部尚書馮公神道碑

金之爲寶百鍊而惟精玉之稱德久幽而不昧聖人美  
焉君子比焉可鑠也不可奪其剛可毀也不可污其潔  
偉哉馮公秉斯操矣公諱昭泰字遇聖長樂人也說學  
於古史豈不聞舅氏之厥初乎畢公建德于周畢萬大  
名於魏別封之裔遂氏馮城秦則丞相並時漢則將軍  
重世積仁鍾慶王者鬱興間晉南浮因燕北號家變成

國爲天下雄勲業競五伯之先子孫齊二王之後公卽  
昭成皇帝之十世孫也高祖大將軍隨州刺史長山公  
謙以寇恂之才翊戴周武曾祖兵部尚書左僕射魏國  
公世基以曹參之力經濟隋文大父尚書左丞檢校御  
史大夫少府監揚州長史安昌公長命以佳吏之名勤  
勞王室考仁高亮無祿子道不究故公幼而襲安昌公  
焉清明激激標格峻堅夏翟耿介無矯飾於韋絳寒松  
清冥不受令於霜雪專經覩奧習法精理起家左奉裕  
改讓賢府果毅換文州司馬爲酷吏所陷罷官久之調  
張燕公集

卷三

七

榮州長史屬城慢法按而繩之入計會府讎家橫訟明  
勅杖其愆者遷公宋州司馬朝廷翕然知有王法復假  
右臺侍御史江南道廉察使類會高等加朝散大夫進  
潞州長史堆岸受湍孤醒見嫉轉湖州長史公東濕不  
回衆蚊交訟貶爲饒州司馬未行降使詳覆拜鄂州刺  
史制曰卿志氣剛勁操履貞潔歷佐藩條咸有聲稱詰  
姦糾謬不避強禦苦節清威若凌霜雪頃因讒毀遂有  
貶降使者案問皎然明白俾從優獎特加寵命其在江  
夏異政風行人爲太子家令兼知內外鑄錢事國泉是

殷盜鎔乃絕河朔淫雨帝思作义俾公檢校邢州刺史  
散有賙無人忘歎歲帝乃璽書勞焉其旨曰卿忠於事  
君簡以臨下忘私徇公之美歌謠所載擒姦摘伏之奇  
吏人攸仰雖陳朔之貶黜邪慝王業之斥除貪殘無以  
加也一郡清淨副朕意焉其後以戚累移睦州刺史復  
爲羣小所譖左授泉州司馬未之任又貶榮州司馬公  
砥節荒服天高聽卑除濫州長史俄復舊階拜括州刺  
史水國瀝渚告疾言歸景龍三年六月十三日終於蘇  
州之逆旅春秋六十有五正人歎息舊荏傷感公清白

張燕公集

卷三

八

傳家信義高世門有奇士室無長物夫其善於鉤距長  
於矜帶法嚴令峻人寬吏急當官而行不避讒慝之口  
除惡務本不求愷悌之譽出入從官十有六職以訪獲  
貶者王洗謗特遷者四不曰忠乎將無悔於九死不曰  
直乎焉往而不三黜故人謝而名益著迹遠而風可懷  
也皇上志其持法無撓贈大理卿本其坐樹無言諡之  
曰節庵安之事一以官供哀榮之禮被於存歿是時天  
子嚴謁山陵訓人追孝推恩庶辟瀉澤幽泉公長子少  
府監紹正次子給事中紹烈並構層堂仰延榮贈乃贈



公工部尚書君子曰孝必錫類忠則不墜臧孫達其有  
後乎鄭公業爲不亡矣夫人琅琊君左相邢公及善之  
女垂拱三年三十有六而夭後夫人彭城君鴻臚卿善  
因之孫女景龍三年五十有五而逝所謂齊姜昭前邦  
媛輝後碧樹先落悲同孫楚之妻紅蘭漸苞貴在馮勤  
之母以開元十八年十月壬寅葬我節公於長安縣高  
陽原夫人王氏劉氏祔焉禮也長子紹正少府監第四  
子紹忠承仕第五子紹烈御史中丞孝乎二連之心思  
崇三絕之美魏王來顧賞幼婦之碑秦師不侵尊死士

張燕公集

卷十

九一

之隴揚名稱代道遠乎哉銘曰

古之志士忠不爲難倬哉馮公矯此雲翰羣羣小彼  
何足算屢困終直天下改觀經用百年窮達相半貽慶  
二子雙承天煥嚴嚴大理人命是懸聖朝表贈王道無  
偏六卿冬官百工攸序韓稜雖歿龍泉可許卽陵鼓舞  
兮桑改壑遷歲月崩波兮有去不還唯德音與石兮  
傳不朽於人間

唐贈丹州刺史先府君神道碑

府君諱儻字成隲范陽方城人也張祖曰揮帝軒之後

肇勲弦木錫姓上矣詩有卿士孥友史有留侯世家八  
葉至東漢司空皓公子字北平太守始居范陽四葉至  
西晉司空華公子驥散騎常侍乃僑江左昆孫太常復  
歸河洛故河東有司空砮洛陽有散騎里後司空至府  
君十二代不失仁義矣王父諱弋周通道館學士考諱  
恪無祿早世府君熒生遺育四代單緒家世尚儒不及  
伯魚之訓外祖爲理遂讀臯陶之書以明法歷饒陽長  
子二尉介休主簿洪洞丞以所願乎下事乎上以所願  
乎上交乎下反身與人何往不順臺選貞白覆囚山南

張燕公集

卷十

十一

人謂是行有典刑矣昊天不弔年五十二調露元年十  
二月乙卯捐背於縣廨夫人長樂縣太君馮氏父威藍  
田丞敬修法度踐涉圖史顧復幼孤將就成立家道不  
殞夫人是賴享年七十二傾背於東都康俗里第光晔  
說不天風遭閔凶又集茶蓼先王制禮不敢從滅以景  
龍二年七月己酉安厝於萬安山陽耐從周制也惟先  
君不祿俸不奉親不機杼不資身僚舊無雞黍之接況  
其非類乎族姻無魚菽之受况其人吏乎是全其高而  
善其獨也過四十始閱六籍觀詩得之厚觀書得之恒

觀樂得之和觀禮得之別觀春秋得之正觀易得之元  
曰君子多乎哉事斯一言而已矣每誦道記三復三寶  
曰至人之心有以垂世又聞之太夫人云吾有子五十  
載非其疾無一日之憂太夫人亦云吾事夫子三十年  
耳無忤聲目無暴色先君之違世也其憂戀者尊門在  
殯歟聖善在堂歟我諸孤無日敢忘及王母終養三祖  
封崇亦尚克家成遺訓矣若夫安親孝也宜家義也翼  
子慈也軌迹隱乎含光故當代罕耀馨香發乎潛德故  
明神終勞先大夫久而益榮沒而不朽蓋此景雲二年

張燕公集

卷十一

十一

天子嘉侍臣之匪躬念前人之蘊德二月乙巳詔曰故  
官某毓德高邁藏器下僚代載儒雅家傳清白河東佐  
邑長不欺之風山南覆囚溢無寃之聽徂謝永久邱墳  
不飾啓茲令胤貞事先朝宜崇追遠之恩以表揚名之  
志可贈使持節丹州刺史王澤漏乎泉壤國禮崇乎宗  
廟漢帝論士恨不見李牧之爲人曾子思親泣無逮楚  
王之厚祿道存運往痛矣餘悲緬存前哲之所以聞無  
聲於四海視不見於百代者匪銘頌歟桓麟蔡邕其則  
不遠嗚呼霜露交積松檟滋深兄弟永懷相顧將老胡

伯虎豈敢掩大人之清陳季方何足知家君之德小子  
銜恤非曰能文莫假辭於他者務傳信於我也銘曰  
猗巖考用元妙體太和竭高志貞夫一戒其多孝于親  
正于家刑于訓清厥心晦厥迹畏厥聞寶如何其謙儉  
孝慈皇哉褒德永世有詞

張燕公集

卷三

十三

張燕公集卷二十一

唐

張

說

撰

碑銘

和麗妃神道碑奉勅撰

舊史云軒轅帝宮次星具黃龍之體郊媒神祀次妃成元鳥之命非聖也莫能法天非天也莫能感聖則有相乎坤而母乎震齊乎古而合乎天跡雖祕絕猶可測而言焉麗妃趙氏天水人也麗者以華美爲貴妃者以配合爲尊易云日月麗天傳稱星辰合度麗加妃號自我

張燕公集

卷三

一

爲初原夫八駿勤周肇有封姓三軍霸晉乃蕃卿族說寶符而開國曳珠履而成家果驗成宣之後不乏文忠之慶堯門昭殿何代無人暨乎紫氣上通瑤臺獨立楚宮選美納良袂於神雲漢掖求才進團扇於明月故坐而論教則位比三司動而具瞻則儀刑六列者矣先將軍以恩澤授職太夫人以有禮封鄭流車躍馬豈無甲觀之親湫宅閑門不有椒房之勢探風揆化憂國如家故聖人有以尚其德也躬親蘭館義形熊檻退席以愛禮穆木以廣恩望古難臻之地必爲常踐之域故聖人

有以嘉其志也懸象告沴經時寢疾在蒙被之辰答還  
輦之問生可捐於浮假心獨係於元貞神往上清願承  
恩而入道形歸下土期去禮而薄葬慈顏同氣奚敢爲  
言皇上閱而許之咨嗟不已開元十四年春秋三十有  
四七月十四日薨於春華殿殯於龍興觀之精屋示以  
出家從道例也命河南尹監護河南令副焉喪葬務約  
成遺語也二十六日窆於故都之後邨山之陽孺慕承  
華淒涼薄室列薤歌於東路迴客衛於北山壽堂一閉  
兮凡聖等人代同悲兮脩短間月帔雲衣襚以神仙之

張燕公集

卷三

二

服上房陶籩旋於造化之初此皆聖主之曲成賢妃之  
本志何必雲陽山下別起通靈之臺未央宮中虛立致  
神之帳若夫易名之典考行是存帝諡曰和禮之貴也  
氣之和者生萬物聲之和者孕八音魂知後命感聖恩  
乎有詔史臣恭銘內職事出彤管辭無華飾寫樂池之  
永傷寄瑤山之罔極銘曰  
帝妃佐后實掌陰教八月選才千金聘貌禮獻絲繭詩  
修澣濯婦政可尊嬪風須效皎皎漢女爲皇降靈娥娥  
邦媛順道之經結以印綬華光後庭帶之兮羈朗潤前

星退迹潛運夙承嘉弊謙苦中京崎嶇上黨金鏡開日  
明珠耀掌心方樂於時泰魂奄悲於化往紫雲衣兮霓  
裳送美人兮北印白壤宮兮青松苑去君恩兮日遠秋  
風急兮霜天草木黃兮野田滅香容於空柳留畫像於  
甘泉春秋以麗和之二字獨褒美於千年

鄆國長公主神道碑

臣聞堯有娥臾致九族之敦序舜有霄燭動百里之光  
耀大聖之後天必縱之積善之家神所慶矣豈惟上帝  
之女雲漢爲靈平王之孫肅雍其德連華前志世有其

張燕公集

卷三

三

人皇唐鄆國長公主者睿宗之第七女也母曰崔貴妃  
構累聖而成門合濟美而爲室蘊乾坤之純粹演日月  
之清明神媛誕靈常言所絕免懷之歲天奪聖善不食  
三日哀比成人文母流胎教之慈曾子得生知之孝由  
是宮闈延矚邦國遠聞及乎玉笄耀首油駢在馭錫之  
美地邑以荆山求之令族嬪于薛氏爾其居玩圖史動  
脩法度服其澣濯恭儉之教興鼓其琴瑟敬讓之風被  
其行已也安親惠下之謂仁敬宗合好之謂義降貴接  
卑之謂禮怨情周物之謂智推心而行罔不該備其理

家也侍膳饗餼之均和主饋醴醢之品齊絲竹五音之  
微靡纂組九華之縟麗經目所涉莫不精詣每至三元  
上賀五日中叅進對詳華折旋舒婉故以式瞻貴里儀  
範通門如干花之汎惠風百卉之涵膏露窈窕之儀克  
舉蕃衍之福大來有男子四女子五瑤碧生堦芝蘭滿  
室也習禮明詩曰漸庭闈之訓銀章艾綬地連恩澤之  
輝自先朝徹展之辰迄公主成笄之日外除過制內疾  
餘哀手寫金字梵經三部躬繡絲線佛像二鋪貝葉真  
偈現心相于銀鈎蓮花妙容呈意生于玉指孝思惟則

張燕公集

卷三

四

道遠乎哉開元繼明推恩由已進封鄖國長公主食邑  
二千二百戶田賦廣而彌儉禮秩尊而益恭其後君子  
晨歌夫人晝哭未亡爲稱生意盡矣撫視遺孤將守柏  
舟之誓志期剝落永從柰苑之遊朝制斷恩改降鄭氏  
陵谷可移隋和之德不昧寒暑有遷松筠之性如一律  
養七子麻廕二宗汾陰之室忘亡滎陽之黨相慶旣而  
善福虛應寢疾彌留盡國醫之技遠方畢至供御府之  
藥中使相望命之必至不可支也堂邑山林忽焉瘁色  
平陽歌舞適足愁人開元十三年二月庚午薨於河南



縣之修業里春秋三十有七震悼紫庭哀傷朱邸傾家  
若墜舉國同悲有詔光祿卿孟溫禮監護喪葬京兆尹  
馮延休副焉窀穸之禮一如涼國公主故事夏四月恩  
旨陪葬於橋陵不祔不從古之道也皇上念同氣之致  
美感閔川之永謝恨棣華之半缺悲瑤草之先化乃命  
國史昭銘懿迹降恩禮於雲露寫哀詞於金石水非湘  
渚還起帝子之祠山是洽陽卽封天妹之塚銘曰

帝系白雲仙源紫氣張家成國承天作貴赫赫聖祖曰  
文曰武皇皇曆宗一變萬邦挺生淑媛慈和孝恭清曠

張燕公集

卷三

五

如神蛾眉無雙邸第立官湯沐建封爰及笄總禮施環  
珮鳴鳳獻祥乘龍擇對帝唐降女天亡歸妹珠玉過庭  
蘋蘩正內蛟門早閔龍湖忽上無地何載無天何仰金  
殿書經華絲繡像欲報之德昊天罔極就是言歸良人  
永違銀爐烟斷羅幕霜飛懇願毀形託身壞衣不諒人  
只改嬪他士稟命曰從從人曰順息媯繩楚懷羸羈晉  
反經合權與道同韻燠休二室均歡等潤四海謐清九  
族和平萬物向榮衆雛未成心戀盛明形隨落英祖載  
鼎城歸窆咸京挽歌敷聲鹵簿凶行哀哀聖情惻惻同

生橋山片石千秋令名

延州豆盧使君萬泉縣主薛氏神道碑

或稱達性命者齊生死之域違憂怖者一修短之數斯  
蓋無心之論耳焉足與議於情哉何則雲虹滅影詞人  
於是詠謠華秀從風君子爲之歎息豈不以對仙麗之  
景懷變化而遺戀在韶蕊之節悼零落而偏憤吾見豆  
盧氏之子於其伉儷有焉縣主諱字姓薛氏河東汾陰  
人大父駙馬都尉奉宸將軍諱瓌尚城陽公主考駙馬  
都尉散騎常侍諱紹尚鎮國太平公主其在昔也夏有

張燕公集

卷三

六

車正先封周有薛侯爭長其在今也五宗姻於帝里重  
葉母於王姬河水經天上積星辰之氣霍山鎮地下多  
珠玉之林縣主幼而敏惠長而洵淑貞義孝烈之傳吉  
凶賓祭之儀一聞成誦絃經糾組之製渚毛醞羞之品  
一見縣解至乃鶴迴清汎蠶聚崩雲月韻致砧花農綵  
婦人能事咸臻妙焉大聖天后鍊石補天有王母之  
神器分茅列地啓弄孫之美邑封猶有禮義引而親天  
授三年四月內封萬泉縣主天愛下流日親上簡乘龍  
之舉和鳳爲難絡八紘以選門奄千官以求俊夫以龍

圖帝寶祈步搖之華源虎戟侯門襲京燕之雄胃人之  
信美帝用嘉焉以萬歲登封元年仲春旣望歸於豆盧  
氏六宮送行百寮供事遂以鸞輅遣以翟車環珮冕旒  
璆然在馭黼藻朱黛爛其盈門詔婚之禮於焉爲盛爾  
乃移其愛畝以事舅姑伸其友恭以諧公妹舉宗洽比  
如鼓瑟琴每至婚姻會同少長咸集珩璜節步金翠耀  
首有婉慙之心無矜矜之色晞盼睇者若遲日之映漣  
漪瞻詞氣者猶光風之轉蘅蕙加以引納懷和饋分周  
賑疎屬自附窮歸忘窘故蘭行彰信於閨門而蕙風滿

張燕公集

卷三

七

盈於邦國諒惟琬琰之性自美抑亦劬勞之訓致焉中  
宗孝和皇帝雲迴南土龍見東京二儀更闢九族咸叙  
望我比兮公主贊陶均之力曰吾甥也縣主開井邑之  
賦神龍元年春加實封三百戶縣主旣通籍門闈奉御  
又尚司殿省天子巡遊宮觀觴樂池臺我有周親無時  
不從主家外幸比齊后而聯恩子婿中參與趙王而均  
禮或醉飽無度寒燠未平何嘗不御藥在門王人接路  
當時厚澤莫之尚也景龍四年二月以奉御出爲丹延  
二州刺史保傅下堂隨朱輻而同去輻併入郡與皂蓋

而齊飛辭宮闕而歲闌戀庭闈而日遠肥泉永歎邪氣  
攻衷楚祝招而不來秦醫來而不及景雲元年八月二  
十一日傾逝於延州之廨舍春秋二十有四美玉禿顏  
明珠晦色平陽舊宇遂無望於歸寧懷縣新文空留連  
於永逝有子三人凶華南容東里等或齟或岐呱呱而  
泣天何以罰神其忍之冬十有二月五日歸葬於長安  
之洪瀆原窀穸營護有命加等器服祖遺率由舊章生  
之也榮葬之也禮若夫柔嘉好合善之原也肅雍降貴  
謙之道也山河其德容潤廣也熊羆其祥祚膺大也總

張燕公集

卷三

八

衆美於修嫔馳落暉於小年此所以哀中之又哀也昔  
袁亡馬氏蔡筆斯奮鄭喪曹姬潘文亦作矧茲內範事  
華無媿砥望夫之石以表靈邱緝幼婦之詞將傳終古  
銘曰

薛之皇祖胄軒國禹相殷侯周氏其土宇英英白雲鬱  
彼河汾公門蕃衍銘鼎氛氳則云則義則戚則勳餘慶  
分祉誕靈女士中宗之甥鎮國之子皎如霜雪華如桃  
李舜族爰序堯封咸秩萬泉開賦三百其實守盛以儉  
居冲不溢亦旣鳴鴈宜爾家人謙恭下下撫納親親傾

財致客對儘如賓我有邸第前臨黃道我有池塘却望  
青草漢輦停暮秦簫拂早歲月易忘歡愉難保良人出  
守將命北徂與子偕往飲別東都望母腸斷辭家渾枯  
露萎勁草霜酸衆雛魂兮何歸京兆之野葬於何處杜  
陵之下巖巖雙闕列列行櫜勒是徽音以觀來者

鄭國夫人神道碑奉勅撰

鄭國夫人者宏農楊氏之女也開元神武皇帝惠妃之  
母曾祖諱堪以禮樂習文爲越州司馬祖衍以折衝學  
武爲游擊將軍父宏以門才入仕爲雍縣丞而早卒初

張燕公集

卷三

九

則天之代夫人言歸武氏曰恒安邵王生惠妃及家令  
忠太子僕信開元十年三月終於通化里其四月卜宅  
於少陵原哀子銜恤號旻仰訴怨報德而未待託思齊  
於永慕皇帝悵鸞殿之內憂悵鶴池之外慘揚淑聲而  
金石刻揭高行而天地感國史可文命爲鄭志若夫清  
明下濟嶽瀆上昇祥會德門慶育邦媛神授孝理之性  
天啓聰達之心加以潤澤詩書游玩圖傳伯宗好直預  
戒將亡重耳羈遊先稱必霸豈直漢庭章奏假借仲長  
之才周官禮儀咨稟宣文之學昌言嘉論有如此者螭

首螿領脩眉橫波旣工頰笑易爲容止肅恭而不跼舒  
和而不倨商周革命遇屯有怡懌之顏桑霍傲予在貴  
無驕矜之邑端容一貌有如此者紘縵祭服闕翟朝衣  
纂組入神剪製鷲國雕胡之餅露葵之羹五齊六清三  
鸞七醢咸一見而洞理或不習而知和女工中饋有如  
此者惠妃載誕皇子在者四人驪泉多龍丹穴皆鳳克  
岐克嶷預見元凱之才實覃實訃早聞青燭之豔亦關  
陰德之潛襲胎教之密傳乎又名子以義成家以禮忠  
者以令德爲忠信者以不欺爲信傳云去食存信信而

張燕公集

卷三

十一

有徵經云移孝爲忠孝則不匱周宗咸覆紀季獨存至  
德深圖有如此者辟司徒之妻邑其合禮南城侯之婦  
封其舊功况夫慎徽四德四德咸舉經論二義一義克  
從置武收繼趙之勲產姚承配夏之慶吹凱風於椒掖  
外王母於梧宮盛德大業窮光極榮啓國西鄭不亦宜  
乎十數年間二子榮立每至四時令節六參嘉會魚軒  
照門黽艾交室爲壽則珠貝山積侑幣則錦綺霞飛白  
玉滿堂聚姻親而同有黃金作穴散隣里而無餘君子  
欽其布義聖人嘉其寶儉故寢疾則飲食天厨湯藥御

府匪日伊文上宮絡繹於閨庭終送則威儀傾都車騎  
壹日自宮徂野中使相望於道路哀榮之盛書記罕聞  
猗與所謂小君之遺美聖善之高烈者也如使後代考  
南史議西陵披簡牘而歎息臨山源而茫昧旌貞之道  
不其闕而然則外孫之碑武櫓之石非明淑之壻其何  
設焉辭成進御帝稱曰善顧謂尙扎我其書之於是灑  
翰黃縑縷字青琬波橫雲蹙神變豔爛於山門鶴倚鸞  
翔生氣宛延於松路禮尊事絕恩榮迹遠斯又元德動  
天幽誠迴日之奇致也誰昔未覩名言莫逮銘曰

張燕公集

卷三

七

代有母德厥氏楊兮祖考爲士夫爲王兮聖后中葉聰  
萬方兮天命未改復歸唐兮賢淑啓佑繼絕亡兮宗周  
雖滅神女昌兮建號西鄭榮舊鄉兮魚軒翟茀盛龍光  
兮二子雙飛華綬章兮出入輪奐庭韡煌兮去此昭昭  
卽茫茫兮何處詔葬少陵阜兮貫妃慈親侯王舅兮寒  
暑流易山川久兮古墳坡陁老樹朽兮壽宮靈慶百代  
守兮頌石光華千載後兮

潁川郡太夫人陳氏碑

潁川郡太夫人者諱某雷州大首領陳元之女羅州大

首領楊歷之妻驃騎大將軍兼左驍騎大將軍號國公  
思勗之母也陳氏家富兵甲世莫嶠外夫人誕靈豪右  
淑問幽閑六行天至不因師氏之學四德生知無待公  
宮之教原夫陳本媿水楊承赤泉九真爲郡良史出乎  
中國五馬浮江僑人占乎南海兩州接畛二門齊望卜  
妻鳴鳳擇對乘龍楊公有騁玉之祥應嫗獲探金之慶  
號公弱冠昇仕鞠躬禁闈正性本乎胎教剛腸形乎義  
色神龍三年六月五日北軍作難西華失守騎入宮壺  
兵纏御樓公孤劍凌鋒羣兇奪氣倉卒之際安危是屬

張燕公集

卷三

十一

旣立殊常之勲遂蒙超次之命授銀青光祿大夫上柱  
國宏農郡公行內常侍其後改拜將軍太夫人是卽  
邑高堂九仞重祿萬鍾朝廷美其揚名州黨尊其遠聽  
夫人富而好儉貴而能勤身却錦繡手親紡績公每昏  
定晨省夫人必誠之忠孝勤學文武嘗謂汝稱思勗當  
心念其義父母名之欲汝三思而勗勵也故號公便習  
干戈漁獵書史致命伐罪擒叛獠於百越寫誠誓衆破  
狂蠻於五溪鬪子弟如使手足請風雷若應期契聖朝  
蒼高秩於驃騎時大封於號略豈非以辭第之懇忠成



斷機之明訓臣節立矣君恩厚矣子孝成矣母慈著矣  
備此四者善孰加焉抑神道祐心而人倫興行詩曰母  
氏聖善又曰宜爾子孫斯實潁川太君之有也享年若  
千開元九年四月八日薨於長安之翊善里先公早世  
邱墳故域古無合葬禮有從宜夫以體歸下地萬里豈  
殊乎黃壤魂何不之雙棺幸同於元室以其年十二月  
十六日招魂附葬於萬年縣龍首鄉神鹿里申孝子不  
忍隔親之情也恩勅賜錢十萬絹布皆百段日禫忠厚  
漢武知其母教馮勤寵貴世祖稱其母德克軫天情頗  
張燕公集

卷三

三

為連類號公生盡其禮及盡具哀嗟閱水之日逝懼藏  
山之夜徙起鏤碑板遠貽圖傳蒸蒸至意有足感人悃  
悃信言固無媿色銘曰

陳公舜後楊侯周裔去國何人南遷幾世鄙線璋表珠  
崖海際兩族相京財雄兵銳猗歟邦媛儷茲國士友若  
琴瑟華如桃李心契法度容和愜喜資徽從夫移忠訓  
子嘉此令子南溟北歸于天鶴唳振瀚鴻飛朱宮退敵  
銅柱來威國安家龍魚軒翟衣子封號國五公前字母  
邑潁川二君舊土感激崇慶踟躕今古高堂夜空弔容

朝聚龍首山前前臨灞川招魂五嶺合葬三泉山山邱  
墓樹樹風烟孝碑不滅茲墳永傳

故吏部侍郎元公碑銘

英英白雲瑞彼君輅佻佻公子嘉我王度魏后遺德作  
華天朝雲氣應變直心遙遙麟閣書仙鳳池墨妙太常  
國禮少宰邦教公之處之有倫有要玉折其貞金斷其  
清歿而不朽仁乎令名

昭容上官氏碑銘

天降時雨山川出雲乃生靈媛祚我聖君精微其道煥

張燕公集

卷三

七

炳其文三光錯行昭容綱紀百揆繁會昭容條理外圖  
邦政內諗天子憂在進賢思求多士忠孝心感天焉報  
之吉凶有數孔焉禱之如彼九日羿焉暴之如彼三良  
秦焉悼之漢宮選才班氏其特楚史書霸樊妹之力或  
穆齊公叙明其德嗟爾彤管是鑒是則

貞節君碣

神功元年十月貞丑陽鴻卒於雩都縣友人沛國朱敬  
則清河孟乾祚范陽盧禹等哀鴻抱德沒地繼體未識  
考行定諡葬於舊域鴻字季翔平息人也其先著族右

北平郡大父陽真宰適茲樂土爰定我居維桑與梓既  
重世矣鴻倜儻奇傑環瑋博達貫涉六籍百家之言其  
要在霸王大略奇正大旨君親大義忠孝大節而已章  
句之徒不之視也嘗陋漢史地里志周禮職方志時異  
虛記心不厭焉乃攀恒岱浮洞庭窺河源踐岷衡稽四  
海之風俗算九州之險易與趙國賈高圖獻其議遇火  
焚盪天下壯其志而痛其事養徒閭里不應賓辟儀鳳  
中河北大使薛公舉鴻行勵貪鄙天子嘉之用寘于吏  
乃尉汲曲阿主簿龍門雩都夫其屏居十年一方化德

張燕公集

卷三

五

歷佐四邑諸侯觀政惜乎有大才無貴仕命也初鴻遊  
太學有書生山東李思言物故南館鴻傷其終遠家屬  
有喪無主乃躬駕柩車送歸東土及在曲阿敬業作難  
潤州藉鴻得人歷旬堅守城旣陷而猶鬪力雖屈而蹈  
節寇義而脫之因僞加朝散大夫卽署曲阿令鴻貞而  
不諛詭應求伸旣入邑則焚服闋門而設拒矣故得殿  
邦奮旅一境賴存淮海底績答勳報公卒不言賞賞亦  
不及君子以爲急友成哀高義也臨危抗節秉禮也矯  
寇違禍明智也保邑匿勳近仁也義以利物智以周身



張燕公集卷二十二

唐夫人張氏墓誌銘

墓誌銘

府君墓誌

府君諱騰字成騰姓張氏其先晉人也晉分家世相韓韓滅留侯爲漢謀主至守爲范陽太守因居其郡及華博物亞聖爲晉司空君司空十二代孫也曾祖諱俊河東從事大父諱弋字嵩之通道館學士考諱恪未仕卽世先君四代早孤單門學立宗祀之不絕如綫府君襁

張燕公集

卷三十一

一

襁衰麻鞠育舅氏而炳太和之純嘏爍遠慶之洪庥庇身禮樂發言忠信小無不誠大無不慎終日乾乾遠于悔恚靈根顯而還植祖德墜而復振加以好學不倦聞一反三道機元鍵罔不幽探外王父大理丞某重世爲士君傳其憲章博施精理年十九明法擢第解褐饒陽尉丁王母憂去職夫人少而守義老而無子因心創巨事不忍言喪記之數加人一等服常調長子尉換介休主簿洪洞丞太夫人在堂官求便近故累徙而不進也內清淨以化人外平反以悅親不樂歸美而善隱德故

下車無赫赫之聲所去有遺愛之戀有命差覆囚山南  
輜軒所歷全濟甚衆君以律有違經背禮著妨難十九  
篇書奏帝下有司而刪定之官黨同妬異竟寢其議道  
之將廢也與命也臧倉其如命何調露元年秋奉使晉  
陽遇疾輦歸藥禱無降冬十二月大漸九日乙卯棄背  
於縣解春秋五十有二光珪說不天總角在疚明年春  
奉輜藁殯於河東賴夫人撫養孤藐躬加訓授男集文  
雅女工組繡姻不失親官復其舊景龍元年秋封長樂  
縣太君夫人故藍田丞威之女也享年七十有二是歲

張燕公集

卷三

二

十一月戊申頃背於東都康俗里第於戲衣哉弊瞻靡  
依何怙何恃二年七月己酉克葬我先公夫人合祔焉  
縱周制也初議葬小子夢度景於萬安山南孤堆東峯  
之下時淮南宏公相地曰是山爲華蓋崗爲蟠龍龍者  
大人之德孤者王侯之稱卜夢協兆何善如之乃定塋  
塋朔宅茲所小子銜恤誌之幽礎銘曰

欽若古訓時惟皇考翁和三光希聖二老清有世業儉  
爲身寶彌綸典憲忠緝王道佐彼四邑人用不擾生我  
曷後棄我曷早閔余髫髮遺家不造鳴鳩在桑其子在

棘母氏聖善示我顯德命服天朝封邑舊國榮未卒歲  
哀已匝域泣血思親昊天罔極孤之華蓋土龍蟠連崗  
四繞帶林巒朝日吐耀遠峯攢微風夕發過蕙蘭石室  
固護泉火寒衆靈幽謁奉神歡壽宮深靜永閑安

唐故左庶子贈幽州都督元府君墓誌銘

維開元十年正月己未左庶子武陵公河南元公薨於  
東京留守之內館公諱景懷字某魏武陵王雄之曾孫  
右衛大將軍胄之孫贈麟州刺史仁惠之季子昔天啓  
水行君臨寰海雄圖長發本枝碩茂濟美象賢餘慶不

張燕公集

卷三

三

隕公受茲介祉誕膺淑靈幼有純至之節長立公直之  
操學綜邇藝詞擅精微夫其結言以信導物以德清儉  
足以軌俗貞厲足以矯邪故美暢於中名揚於外弱冠  
以國子進士高第補相王府典籤蕃邸擇賢妙盡時選  
尋以內憂去職重補相王府參軍及明兩昇儲作貞萬  
國以宮臣除太子通事舍人後歷官至右司員外太子  
舍人天授中以親累除名向逾一紀後除直羅淵縣二  
令雖大位未享通材必久初自太府主簿累入副卿河  
南掾曹克昇亞尹握蘭右韓綱紀南宮秉茲憲簡肅彼

專席再侍儲華卒踐宮相公執心好直履法斷恩觸雷  
霆而除惡不避也枉絲髮而干譽不爲也升降兩宮出  
入三代克慎其始終厥有成君子以爲難允哉其難矣  
及啓手歸全遺言薄葬家無長物士伏其清年過懸輿  
人傷其天嗚呼哀哉贈都督幽州諸軍事幽州刺史賻  
悼之節優於恒數明年二月歸葬於咸陽之舊塋夫人  
韋氏耐焉禮也夫人卽道遙公敬遠之元孫左常侍希  
仲之叔妹淑行無徵華年早世其孤彥冲等克遵遺訓  
靡所寘哀說情睦外姻懷深國士旣闕西階之奠遠投  
張燕公集

卷三

四

東武之詞銘曰

卓彼英運慶靈旣長貽訓夫子體微知章在藝斯博於  
欲則少徒文其中莫飾其表惟靜惟默不激不矯時經  
三代官成兩宮化若風偃德如澤融邦稱其直朝哀其  
忠禮祔周兆墳瞻漢宮哀哀純孝長訴旻穹

周故通道館學士張府君墓誌銘

君諱弋字嵩之范陽方城人也其先張仲以孝友佐周  
子孫醜周任晉相韓至留侯報韓讎秦興劉滅項爲漢  
世家九代及于漢亂居燕四葉爲晉司空混一天下司



空生禕避胡過江六世至太常而復寓于河東之族人  
君卽太常卿隆之曾孫徵君子犯之孫河東從事俊之  
子性倜儻尙氣節能引弓六鈞命中百步車服出入擬  
於封君州里頗患之君乃勵操強學不出門者十餘年  
探道觀奧鬱爲淵藪周武帝聞之徵爲通道館學士旣  
入隋而面其國高尚厥志終於山廬嘗言夷齊清者非  
達伯鸞曠者非中優哉游哉吾不與也夫人某氏少而  
癡居長而喪子流離世故窮盡艱危提携女姓託身禪  
宇實有高行之烈隱居之風未遑歸葬有志不就遺恨

張燕公集

卷三

五

終天降及曾孫追申情禮景龍三年歲次己酉十月十  
六日克塋曾王父曾王母於河東之普救原成先志也  
銘曰

皇矣烈祖才雄氣武不值漢高空思萬戶一旦折節十  
年學古高步華光飛纓書府昔有周處斬蛟契虎易暴  
以儒異代同矩周命旣沒鼎遷于隋仕於二姓君子不  
爲昭昭盛德百代之規

唐處士張府君墓誌銘

府君諱恪其先晉人晉有張老韓有開地漢有留侯侯

八代孫皓爲司空司空子宇爲北平太守遭漢亂離家  
于范陽至元孫華復爲晉司空遇難子孫南渡其處者  
或寓於蒲坂周齊間有歸者因徙焉君晉司空十一代  
孫也曾祖徵君諱子犯祖河東郡從事諱俊父通道館  
學士諱弋德音遺範詳諸家牒君孤紹單門傍無兄弟  
苗而不秀求仕而卒道未融於邦國位未揚於王庭故  
老之口浸遠好事之書又闕是後生不得預聞焉哀哉  
嗣子晉州洪洞丞隲襁褓哀麻育於舅氏夫人隴西董  
氏常州長史雄之女也早年守義唯鞠一子嚴而有檢

張燕公集

卷五

六

勤而善訓成先人之丕烈貽後嗣之積善微太夫人德  
則張氏幾將墜焉開耀元年十一月二十七日終於鄜  
城縣世婦馮氏之別業春秋七十有二先君之違世也  
太夫人在堂大門在殯日月逾邁自志未從是諸孫疾  
焉若履淵谷以景龍三年歲次己酉冬十月二十六日  
克葬王父王母於蒲坂東司空之村成先志也銘曰  
綿綿王父續我靈基幼而植德人莫知之烈烈王母克  
明克類教成鬻子光我族嗣中條之北大河之東邱陵  
桑梓鬱鬱崇崇千年啓室百歲來同承惟先志欽成厥

終

中書令道遙公墓誌銘

唐故中書令道遙公韋氏諱嗣立字延構京兆杜陵人也受渾元之正性挺生人之秀傑門爲孝悌之府世處台衡之地蓋士林之高標宗臣之首出者也生於秦之清水長於鄭之成臯聰明先覺博古兼覽究蓬山之百氏綜闕里之六藝文而不華實而不滯原夫志在於易行在於禮守藁籥之冲虛播朱絃之愷悌事有則而言有度神無方而用無體其與人也溫良善誘仁恕多容

張燕公集

卷三

七

俾夫頑蔽開析復驚擾從君子進道小人革慮聞者願來見者忘去若膏澤之浸陽和之感萬物不知其化矣及夫覆簣登朝濫觴宰邑聖朝知其周慎忠肅簡易循良是以綢繆兩禁重疊千里迄踐宰衡終厥有成凡化二邑理七郡三入中書再統兵部選兵吏各兩冬典樞密共五載光廟四主厯政三十有餘其間累有謗及官因左退日月蝕而更明隨和幽而不昧爾其爲邦設教遵德閑邪身勤心苦誠感物化禮讓興於私室刑罰廢於公家衡鏡高懸文武矯首才無我失善若已有風流

名教作法垂後評謨皇極功格天地茫茫蠢蠢旣生旣  
遂四夷來王五靈皆至然而外榮中素迹邇心遐杳然  
朱戶之若喪邈矣赤松之可接西宴颯山之谷東息龍  
池之野擇道遙而建號列土宇而開社卽明主封立帝  
之謀表高臣之志也公考侍中爲國元輔公兄承慶當  
代齊名咸以令德繼和金鼎扶陽二相陳氏三君復追  
美矣侍中前夫人崔氏生黃門而卽世後夫人王氏生  
公而偏愛公克諧以孝因心則友啓均養之德成無間  
之言天下之人比之祥覽惟公德行言語文學政事四

張燕公集

卷五

八

者實總而兼之事親養志而能爭居喪過哀而顧禮此  
善中之善者也善人天之經也國之寶也道將興廢木  
鐸之用有時命或推移蒼生之望恒在春秋六十有六  
遭疾陳郡還醫洛師開元七年九月二日薨於歸德里  
有詔贈兵部尚書諡曰孝禮也明年某月葬於某地有  
子孚恒齊夫儻然在疚靡所寘哀以某忝縉雲之舊寮  
清風之餘論入難名之闔域窺妙德之形容見託銘誌  
庶傳精爽至於歷官次序平居事業當見郡府遺愛之  
碑國史名臣之傳故不存焉銘曰

峩峩仁公抱孝含忠文獻則足高明有融翻飛王佐穆  
我清風道濟明時心樂幽地薜衣華袞坦然一致逍遙  
啓封帶礪傳祀生涯共盡振古其常人秉三德天歸百  
祥臧孫有後公業不亡

岐州刺史平泉男陸君墓誌

開元十三年十一月六日故岐州刺史平泉男陸公卒  
于京師十四年冬十月葬于鄴西之先塋公諱伯玉字  
某河南人識真之士也夫譽其克家光乎觀國篤慈惠  
以宰邑宏雅量以執憲擅華妙於禮闈敷文敏於禁掖

張燕公集

卷三

九

推直方以獨坐率簡易以專誠所居而美風振所蒞而  
德聲溢非德充於內而美形于外者乎若夫孝盡愛敬  
之衷悌包友順之節仁協返身之恕義適成物之和四  
者禮之善物歟吾友嘗從事於斯矣然而舉禮之綱持  
心之柄靜則樂先王之道動則濟賢人之業位不盈量  
年無登壽之木也之命也復焉可而言哉銘曰

陸侯泉妙體曠心古龍章炳文鱗角藏武棗籥冲用詩  
書義府移孝則忠安親合主乃建侯社乃牧王畿有嚴  
有翼有長有威汲直謝病秦和不醫乞言未老啓手全

歸石鼓東臨銅臺西望別業宛在舊塋增創弱子攀車  
孀妻送葬風景飄忽山川惆悵令德可傳浮生匪重神  
去一息刑遺萬種露往草陳霜來樹拱一仁兮一義長  
蕪沒於邱隴

恒州刺史張府君墓誌

君諱承休字某吳郡吳人也留侯興漢播美西京長沙  
徙吳蔽蔓東土曾祖冲在陳爲文帝師入隋爲漢王學  
士祖後胤授經太宗尊之以爲祭酒旣封新野又贈以  
宗伯考少帥位不充量止於朱陽宰班固稱世名忠孝

張燕公集

卷三

十

魏武得積善之家昌門一糸暉我諸族君受天馘穀傳  
家業藝希言敦行去華崇實非法不由非禮不動精於  
物理敏於政事初以南郊齋郎補充州兵曹丁太夫人  
憂廬墓三年加人一等再任始州司倉應入科舉改鄭  
州球事叅軍又舉賢良方正遷揚州司錄參軍移蘇州  
常熟令歷政皆有能名加朝散大夫入爲司農承實掌  
錢穀姦僦息望使覆囚嶺南是司獄訟聽折惟允廻授  
濟源令風行畿甸河濶洛師加朝議大夫上柱國拜降  
州司馬轉恒州長史簡而有禮權而有中道嬰風恙去

職就醫還京春秋六十有二終於頒政里夫人成紀郡  
君天水秦氏廬陵郡公行師之孫嗣公遊福之女敬事  
君子訓成諸孤當代之孟母也年六十二終於許州開  
元九年十月某日合葬於武功之禮讓原禮也夫道大  
難合仕屯而不進德高有後身沒而福流君同生八人  
半服銀艾祥胤五子率爲珥璋比跡於燉煌六龍南鄭  
千室德門濟美信有徵乎懼陵谷或遷乃勒銘沉石銘  
曰

思文留侯時惟皇祖長沙南守分幹市土家有道書門

張燕公集

卷五

七

傳學府崑崙重世通經二主誕靈上哲克廣斯文造次  
仁義優游典墳孝乎事親忠乎事君猗那叔父亦足有  
云

贈潘州刺史馮君墓誌

公諱君衡字正平廣管高州人也昔畢萬苗裔邑于馮  
城因以爲氏其適越者則袁宏過江錄所載長樂馮祖  
恩之後也遠居僻地代爲右族帶甲千人擬四象之公  
子田同百里齊萬戶之封君祖益持節總管高州都督  
耿國公葬贈左驍衛大將軍荊州大都督恩命分府爲

三州授君之三子子智幾高州刺史子智玳恩州刺史猶子子游潘州刺史公荊州之孫恩州之子量包山海氣逸風雲陰德以濟物力行以求道散岸從心乘化而沒斯實一方超邁全真之士也夫人南海郡太夫人麥氏誕嫗勲門作嬪傑室初執冀妻之禮終抗梁室之行卽大將軍宿國猛公鐵杖之曾孫女也夫人有三子一女同歸上京長子元璣左衛中候次子元珪左領軍衛郎將少子乃士右監門衛大將軍以將軍少養於高氏故舉家從其姓焉夫德厚者福長先否者終泰天之報

張燕公集

卷五

十三

應豈虛也哉大將軍所以雲漢奮飛忠孝至感迎聖善於炎海展三牲之色養拔友于於荒徼會四鳥之嚶鳴縉紳美談簪紱傾慕是知敬仲羈旅將育于齊孟軻儒藝成名此母信瑰才之特達亦餘慶之助成乎夫八享年八十有七開元十七年五月十二日薨於西京東庭里粵以八月二十二日安厝于長樂原之新城閭將軍之純至嘉先士之晦名恩詔追贈潘州刺史招魂而合葬焉蓋殊常之禮若夫慈以遺後孝以揚親忠能合聖惠足昭仁嗟乎馮氏之子具此四德鏤石垂文爲不朽



矣銘曰

潘州違世滅跡沈彩詔贈本邦光燦南海其孤永慕昊天不逮夫人處順奄背榮眉悲離兩鄉魂合雙觀孝心可贈百年匪愆天日蒼蒼邱隴茫茫地名長樂人樂無長郭門之外愁生白楊

贈郎將葛君墓誌

公諱威德字某葛氏本梁國寧陵人也因遷徙今居京兆注陽縣父寶未任早世公宰無陶白之資朝無金張之授不受過庭之訓不漸鼓篋之術而能奮飛喬木獨

張燕公集

卷五

三

拔深濟富忠孝而由已善射馭而聞天早以武藝妙選供奉每扈遊別館侍蹕禁林何嘗不左發五犯傍連雙兔歲久拜元城府左果毅都尉尋加上柱國入陪內仗思馬斯才出典外軍握兵之要所謂白珪特達青雲自致者也其用未展其生有涯神功二年某月日終於東都私第殯比邙山之原夫人太原郡太夫人郭氏從夫有禮以子而貴開元八年十一月薨于京師之修真里有子福順克家用孝開國推忠泣風樹之無泊痛榮祿之不逮哀戚之情止感飾終之澤下流罔宓有期神奠

將設有詔贈右驍衛郎將開元九年二月七日合葬於  
長安縣龍首鄉禮也鬱鬱宰樹蒼蒼墓田恐佳城之見  
日祕銘石於重泉詞曰  
都尉武達夫人禮封令德高行譽偶名雙自古迄今仁  
賢同盡唯傳忠孝餘慶不泯

張燕公集

卷五

西

賢同盡唯傳忠孝餘慶不泯  
將設有詔贈右驍衛郎將開元九年二月七日合葬於  
長安縣龍首鄉禮也鬱鬱宰樹蒼蒼墓田恐佳城之見  
日祕銘石於重泉詞曰

賢同盡唯傳忠孝餘慶不泯  
將設有詔贈右驍衛郎將開元九年二月七日合葬於  
長安縣龍首鄉禮也鬱鬱宰樹蒼蒼墓田恐佳城之見  
日祕銘石於重泉詞曰  
甘立猷恭校

張燕公集卷二十三

唐

張

說

撰

墓誌銘

四門助教尹先生墓誌

先生諱守貞天水冀人蓋好學博古者也本乎官族稱  
爲尹氏昔有尹佚可周太史暨乃吉甫勤於宣王格言  
大勳布在詩傳遠祖緯魏僕射曾祖欣隋開府大父珍  
唐棣州蒲臺令父文唐通州三岡令先生積德餘慶天  
錫純嘏愿而克恭情與禮合七歲誦三雅能通書契訓

張燕公集

卷三

一一

詒之義識草木鳥獸之名十五誦三禮能明君臣父子  
之道定郊廟吉凶之制二十誦春秋尚書能精五行九  
疇之數斷褒貶會盟之節二十五誦詩及易能辯政雅  
頌之始極變化生生之至又能誦古史百家之書善文  
章草隸之則恥夫流俗背實響聲飾華褻末故每外和  
內厲元元本本學者如斯不舍晝夜垂拱四年以明經  
高第遂授大成自延載之後條限質薦長安之初大開  
貢舉考功是歲千五百餘人召先生課覈淑慝時稱無  
滯學矣天子聞其進通經術乃下制曰成均大成尹守

貞業隆時習功宣日就既有勵於分陰俾參榮於丈席  
可四門助教誥誥青矜有所仰矣長安二年六月十日  
晝寢忽夢麟臺兩局爭召修文覺而歎曰十二日稷吾  
當往矣因命親族序訣至日安枕俟期俄然而卒春秋  
四十可謂古之達化知命者也嗚呼天與之德而不永  
其年天與之才而不大其位何乎粵七月十七日葬於  
高湯原先君之舊塋銘曰

尹氏之子其始庶幾爲仁由已三月不違謙成德柄學  
也身基辟雍洋洋可以療飢環林之下可以棲遲我實

張燕公集

卷三

二

道貴人言位微修文地下前哲同歸子之知命將歿先  
期朝衣東首精魄高飛人之云亡胡不悽而高陽之原  
有隄其側郭門直視松柏一色邱隴纍纍阡陌誰識浮  
焉休焉爲我心惻

元州司戶上柱國呂君墓誌

公諱虔字某其先東平人也堯之太嶽始封呂侯周之  
太師實表齊國河西則霸王繼代關東則丞相聯華近  
徙河間是稱右族大父贊隋幽州都督府長史考師滄  
州青池令並振羽儀馳聲郡邑公孝悌天至禮樂混成

千里聞騏驥之才五都重琅玕之價壯士行去樹勲於  
塞垣君子居之何陋於蕃郡以上柱國爲元州司戶參  
軍積善襲於家風餘慶流於身後享年若干而卒夫人  
河清縣太君傅氏四德爰備六行聿修始則賓於冀妻  
終乃訓成孟母春秋若干而終開元十四年某月合葬  
於州城西南里之平原禮也我有令子職司馬於小山  
我有淑孫偶乘龍於大樹榮哀之事于茲畢矣銘曰

儀不忒景行山東風流河北有生必謝誰能獨存神寧  
張燕公集

卷三

三

故里合葬平原劍暗泉室松寒墓門勒銘沉礎萬古何  
言

徐氏子墓誌

徐氏子者名巖字某司封員外郎堅之第四子也驥子  
脫雲鳳毛洗日孝友因性聰敏若神置在膝前已會星  
辰之氣戲於牀下能記賓主之詞及總角成童精意好  
學問一知十升堂觀輿下筆成章而倫要發言爲論而  
卓詭識者咸謂增世構之崇蘊益源流之洪潤雖甘茂  
之孫十二飛辯班彪之子九歲能文不尙之也天乎何

辜顏傾無命年十有三歲大足元年九月遭疾而沒嗚呼哀哉琬月始生不見其盈瓊枝方秀不見其茂悲哉銘曰生曰何淺死路何深珠碎朧月花殘稚林哀哀父母孰處其心

鳳閣尹舍人墓誌銘

峩峩尹氏太古之始發源堯師中葉周卿爰暨初考咸有頌聲猗歟府君代烈增盛孝行之本謙德之柄耽樂道真舍光無競三典郡土五刑以正再司府丞百工興

張燕公集

卷重

四一

詠茫茫大造物生遂性虛無宰之孰能力爭倬良士縱自天辦方物覈山川厥志大哉峻剛節殷義聲返旅觀晏窮城厥德過哉哀斯人命莫贖德不朽温如玉軌來世哉

唐故處士河南元公之碣銘

嗟我處士煥炳其文精微天象與道爲隣頽乎萬化于三十春在惜薄葬時服幅巾厥孤克孝永懷遷神君其心之無違返真乃建豐碣追揚茂塵王門公路豈微朱輪天才海學千何窺負心焉有主孰知我艱烈烈皇考

求仁得仁哀哀王母斯恩斯勤李虔報養王褒感親遐  
居更命喪禮終身忠爲令德孝實至純一門二喜千載  
不泯

平偃師碑尾

粵以長壽二年十月十七日改竅於衛縣苑樓之西北  
原夫令德所庥餘慶末也神龍紀歷皇運中興天子嚴  
祀清廟緬懷前哲乃下制曰朝議大夫守衛王府司馬  
上柱國平元脊父故偃師令某公門襲慶士林成則名  
教羽儀道德泉藪輔仁宜國早謝昌辰積善洋溢垂休  
茂胤時光祀夏慶屬配天錫類之恩俾覃於卿士哀榮  
之典宜旌於泉路可贈蒲州長史君子謂成其子而植  
乎身義方也愛其臣而及其祖孝理也孝以行惠惠以  
察忠義以立慈慈以昭順君臣父子之是型焉

唐故京州長史元君石柱銘

并序

公諱仁惠字某河南洛陽人也昔帝軒命子爰宅幽都  
天神降祚遂荒北嶽其後日月運行雲雷經始壇場鄴  
洛據天地之圖帶礪山河建王侯之國公魏昭成皇帝  
之十世孫中書令濮陽王順之曾孫也大父雄魏濮陽

王改封武陵王昆吾伯嗣越在濮陽之墟瑯琊王子別  
封武陵之郡宇文朝降爲武陵公太府卿秦州總管微  
子去國不替舊章薛侯來朝於焉降等父胄隋濠豫二  
州刺史右衛大將軍襲封武陵公翼亮隋室宏濟王業  
有佐命之元勳承異朝之世祿文武籍甚貽燕深長公  
受金行之正性承冠世之隆烈幼見岐嶷夙聞聲器靈  
臺雲秀繩墨之宰無施雅韻天成金石之師何力屬隋  
網施紊神棄不歆卿族衣冠日失其序獨寐寤宿永懷  
槃澗之人藏器待時未射高墉之隼唐高祖龍飛天宇

張燕公集

卷三

六

鶴版巖林授公右千牛錄事贊聞之恩舊也高皇邑子  
旣與盧綰同衣世祖學徒則有嚴陵共宿久之以公事  
免爲雋州法曹又歷循州河源滑州靈昌二縣令克已  
爲政蠻貊化忠信之言直道與人仕已無喜愠之色永  
徽在歷石眞構難羣兇既剪江界蕭條帝念疲疇疇茲  
俾又乃授公睦州雉山縣令乘駟而往下車作則江浦  
海盜革面來威然後開網鳩人峻策羈吏閑田盡闢鰥  
寡委犬彘之餘絕澗無遊豪猾屏蠶漁之氣我有禮樂  
達於山川鬼神應物休禎孚於鳥獸草木朝廷異之拜



朝散大夫行隆州閬中令未至改授雍州渭南令觀人  
設教異邑同風遷隆州司馬尋加朝散大夫守涼州都  
督府長史分乘兩蕃人康頌作化澄巴濮無侵橘柚之  
園教溢河湟不飲蒲萄之酒離歌就昃歲夢臨辰命蹟  
修途榮慙厚德總章二年終於官舍春秋七十有三夫  
人安定梁氏文伯之妻君子以爲知禮孟軻之母良史  
稱其能賢齊德茂於昭塗合祔期於幽隧有子懷貞斧  
蕘遺德凋踐義方承家有馥之蘭如也歷官右司員外  
郎太子舍人而罹事徙居復歸舊土履霜露於三紀無

張燕公集

卷三

七

改素冠之行違桑梓於十載還守青門之田勤孝在乎  
追遠豐感思乎備物武陵公之塋域今順陵柏城之內  
也山園有禁奉瞻靡及粵以聖歷二年歲次月朔別卜  
宅於咸陽縣肺浮原合葬焉公孝友純深風標峻起門  
無雜客家有嚴君而佐郡爲邦宏風邁德執法不撓去  
邪勿疑仲由之政事叔向之遺直豈稱論之典有闕範  
則之容將墜仰惟代姻恭承哀託郭有道之故事無媿  
蔡邕趙文子之將遊永懷隨會寓詞楹石式題賢隴其  
銘曰

大哉乾元我族資始有國伊魏曰天之子皇義姓風帝  
姬氏水翔業垂統鬱乎舊史崇德象賢允也重軌貞涵  
玉性潤結琤源武公之子平王之孫川流長直光氣能  
渾孝深相賴義重荆潘白圭比節黃金敵言行實剛簡  
游無詔黷學妙神教書能鬼哭避彼屯運盤桓空谷四  
海有王一旦明月佩此芳草遷于喬木亦旣從政淑問  
克宣秉心如水臨事如茲歷宰四邑高芬屬天元僚兩  
郡汪化流泉江河秦蜀嘉聲在焉三光西沒百川東渡  
天道運迴人隨代故倏忽三紀悲涼千露帝葬橋山傍

張燕公集

卷五

八一

塢祖墓天斷舊城地開新路路卽咸陽阡惟京兆地氣  
雲盡長岡龍抱窳拚銅人塋留石鳥塵歇徑滅山飛海  
少篆刻揚名亭亭華表

子曲阿令墓銘

存爲神鑑歿爲國殤惟呂惟子同歸義方

司屬主簿博陵崔訥妻劉氏墓誌

夫人劉氏其先彭城人也隋毗陵郡通守子將之曾孫  
唐滁州刺史德祖之孫汾州刺史延嗣之女也昔武子  
處秦厥初令氏元王國楚是焉昌族盛德之門龍驥接

彩世祿之胃龜虎聯華夫人璇室載蘭蕙林增秀嗜嗜  
黃鳥豔豔清月聞詩聞禮竊比謫生茂行淵心實稱士  
女及鳳飛啓繇夫婦盡琴瑟之和雞鳴咸纏舅姑移喬  
梓之敬友愛洽乎奴嬪任恤周乎姻戚豈惟禮備澄幕  
工深機杼固已能循法度宜其室家矣年若干以大足  
元年七月某日寢疾而卒粵二十九日某辰假葬於某  
里夫國喪賢嬪家亡淑媛母氏垂白殯奪所懷稚子始  
孩孺焉無倚嗚呼天道補仁人道與順眷茲七德不遐  
三壽何哉報應之理豈神食其言脩短之期將事歸於

張燕公集

卷三

九

命外姻畢萃累歎不足夫人卽吾姨也今薄譔素履永  
刊幽石圖史之外有美存焉其銘曰  
崔賁齊胄劉亦漢宗崇其顯媿望偶族雙閭闈是穆饋  
奠斯恭貞歌浮漢孝室洞江珪璋其節桃李其容宜享  
偕老胡寧鞠凶朝權飛陌春蘿墜松夫傷子慕去此何  
從百歲之後魂兮合封

文昌左丞陸公墓誌

公諱元方字希仲蘇州吳縣人也帝典惟二虞盡美於  
南風強國有七齊莫大於東海元侯制食因而爲宗丞

相冊勲開吳佐命盛德之後瑤琨代襲故丹青奕世三君之望並高金玉聯華五常之目齊重公卽陳給事黃門侍郎琛之曾孫唐荊州當陽縣丞山仁之孫司儀郎東之姪豫章尉元之之子體元黃之純粹峻清白之隆名鵬翼載軒騏鳴自遠始以司成明經業優擢第補三水扶風渭南三縣尉授裏行監察殿中三御史遷鳳閣舍人兼太子中舍又判鳳閣又守秋官行鸞臺三字侍郎同鳳閣鸞臺平章事坐公事降爲綏州刺史居無何檢校春官又試天官二侍郎兼司尉卿復除鸞臺侍郎

張燕公集

卷三

十一

同鳳閣鸞臺平章事轉右庶子轉文昌左丞前後掌選及知考各二歲九流銓總代天理物公執其衡鏡而野無遺賢三載考績惟王舊典公秩其幽明而庶官咸事斯平憲章臺閣籍甚人倫至於經濟大道彌綸庶務嘉猷削於隱德宏益晦于推美蓋不得而聞也古人有言進退在命忠信在人一出持州再入莅政汲長孺之方直時守外臺胡伯始之詳明丞司中禁抑有由焉嗚呼人之淑斯宜享難老昊天隆戾曾不憇遺大足元年二月七日寢疾而終春秋六十有三歷事兩宮三十餘載

奉上惟敬臨下惟誠密勿兩終靜而調理心尚坦率不違名教之地迹列軒裳不雜風塵之伍施與忘倦鄉黨穆焉夷險若一朋友義焉所謂終溫且惠行同歸於大雅克已復禮身不離於令名及東首歸全西階徹奠無食粟之馬無衣帛之妾知與不知莫不嘉歎粵三月十四日假葬於國門之南費村永刊昭烈垂之幽礎

節愍太子妃楊氏墓誌

開元十有七年三月癸未中宗節愍太子妃楊氏薨於京師太平里第之內寢越五月丙申詔葬於新豐之細

張燕公集

卷三

十一

柳原黃陵不從古之道也嗚呼哀哉妃氏之先代居河華赤泉啓國清白傳家東都之公胄西京之後族高祖士達隋開府納言天授中以孝明高后之父追封鄭王贈太尉曾祖緘隋符璽郎抗節王充朝廷旌載贈靈州刺史祖全節左內率贈魏州刺史考知慶千牛豹韜二將軍若夫軒冕王官同許史之繁漢婚姻帝室比姜媯之宜周是故二華降靈五河飛譽拜玉冊於文廟儷金璽於青宮入參視膳之儀出友元真之樂禮陪爾館祭服始於北郊詩贊鵲巢王化終於南國豈知言遠鬪水

神往邛山七日之望不歸千秋之言何及於是視身知  
苦幽探白馬之偈覺心等空坐證青蓮之葉久以喬木  
無枯柏舟早誓棟華先落聖善相依闔門正家稱未亡  
而全禮高堂終養不深哀而遂絕此又禮外之禮孝中  
之孝者也初上在東宮時妃有女弟選爲良媛生忠王  
卜者曰不宜養爰自祿禪命舉妃字及開元正位良媛  
爲嬪而卒妃之視忠王也隱觀之訓誨之竭從母之仁  
慈倍猶子之珍愛忠王之託妃也敬愛焉聽順焉生盡  
因心之樂沒過如母之感且夫慈懋鞠育孝思顧復仁

張燕公集

卷三

三

叶恩親愛備恭睦成天下之百行致生人之五福斯蓋  
皇極之端國風之首者矣湖陽王當小宗之祭元妃之  
喪故喪挾兩姑而祭殷二國何必鼓吹山上遙傳慈母  
之名石闕廟中獨立少姨之像史官承詔勒銘沉碧詞  
曰

太華北足長河東肘總粹陰靈妃德儲后鳴美玉佩炯  
光金鈕嬪貴長姨寵王從母永訣上賓死孝哀親顧懷  
孺子忍別天人昔貞萬國今撫百神泉燈我夜宮樹他  
春陵麥秀兮漸漸隴月生兮纖纖霸岸去兮無還日清

門絕兮不可瞻石獸澀兮綠苔黏宿草殘兮白露沾園  
寢閉兮脂粉膩不知何人兮開鏡奩

張蕙公集

卷三

三

東園公詠梅湖在什時人各開鏡奩

臣蔡共武恭校

張燕公集卷二十四

唐

張燕公集卷二十四

墓誌銘

榮陽夫人鄭氏墓誌銘

夫人諱某字某榮陽開封鄭氏之女也有唐銀青光祿大夫行少詹事博陵侯崔氏之妻中大夫中書舍人湜之母也高祖述祖北齊禮部尚書太子太保榮陽平簡公會祖武叔北齊洛州刺史中牟公祖道援隋宋城令父世基故吉陽令故左僕射安吉公杜淹太夫人之外

張燕公集

卷十四

一

王父也夫人家世德門母氏鼎胄衣冠禮樂耳目所徵號之諸生寔爲女士先夫人以崔出秦岳之允鄭祖周王之穆長源修麓北濟聯宗故夫人年十有七歸於我氏盡敬愛以安舅姑致友穆以諧娣姒性寬恕尚素雅文而不奢約而不陋故邑號光啓象服是宜博陵侯更事兩朝多歷官序居必大理去有遺愛雖毳衣善聽得非鷄鳴之師乎舍人及三弟長安尉必蓋田尉液至干牛滌咸有當代之名立無過之地滋液德教琢磨禮範雖趨庭善稟得非闔門之誨乎夫樂得好述關雎義也



鞠成衆子鳴鳩仁也采蘋承藻修禮度也如山如河有  
德容也婦禮旣成內則用貞母儀乃行家道以寧於是  
春秋高矣雅好真諦厭鞞禪味滅徹珍華被服慈衣捐  
斥文繡總斯羣懿式是六姻故以嗣徽先姑垂裕來史  
詩所謂那之媛也夫人有焉皇天難忱不享偕老年六  
十四神龍元年十一月九日遘疾終於洛陽之遵化里  
其明年二月某日葬于富平縣之某原君侯傷神諸子  
銜恤寘銘幽窆用存終古其詞曰

東惟詹府西望綸闈吾夫鸚麟吾子鸚飛青綬赤莢魚

張燕公集

卷五

二

軒翟衣喬梓灌墓堂堂榮輝如何不淑奄永泉扉漢  
元夜容容白日百歲之後同乎此室

右豹韜衛大將軍贈益州大都督汝陽公獨孤公

燕郡夫人李氏墓誌銘

夫人諱某字某故代州東治府右勇毅都尉幽州高士  
李感之女也本姓張居於清河郡大父元愬官至安東  
大都護長史與太宗有故賜姓李氏仕歷檀州司馬始  
家薊城是則帝寵舊臣乃命王族官平朔野因爲郡人  
偉哉孝友清白之仁基金鉤石印之靈慶必將光大別

族繁衍淑女彩黛粉敷焜耀華美若斯之盛也夫人幼而韶異長而婉穆金聲玉澤薜榮蘭茂傳賢莊姜詩美仲氏無以尚也初汝陽公夫人元氏生一男四女而早卒繼室以夫人封諸燕郡王元生立及長孫楊氏二女秉螽斯宜爾之德著鳴鳩均養之仁色無偏和心無殊厚閨庭之內邕邕如也雖邑中五服之家門下三千之客莫能察其異焉永寧里先人之舊廬也有通渠轉池巨石嶽賺噴險淙澗洄潭沉沉殊聲異狀而爲形勝遊衍之處者十四五前夫人之孫蘇氏之婦弱歲嬉而墮

張燕公集

卷五

三

焉舉家環流憚莫能救夫人投身赴水或沉或浮久之提挈僅免其行已也實多此類府君更郎將中郎將各一將軍大將軍凡四前後領左右羽林二軍禁營青海鴨綠二道摠管天子元老白首兵欄腹心爪牙朝無與二外受珣戈文馬之賞內委金璣寶貝之飾將軍旣頒於部曲夫人亦散於宗姻可謂貴而好禮富而能惠者已及君子農歌夫人晝哭喪有過戚制無越禮其後法吏苛禮余子遠遷窮荒一訣倚閭三歲炎山瘴海曷云其來施珍玩以奉佛徹滋味以奉道精意入冥明神冥

直中興昌歷無廢舊勳先公茂乎飭終愛子榮乎起滯  
天步方泰家屯適夷宜享南山之壽奄頓西泉之駕神  
龍元年十二月二十二日寢疾終於洛陽之德懋里春  
秋若干國墜邦媛宗仰母儀孤允孝孫哀哀藥舛有詔  
旨曰獨孤某妻亡還京日宜給靈輿并遙悼舊褒德矜  
孤恤喪朝之大經者粵以明年十一月二十日卜葬於  
雍州之某原不從先塋古之道也夫計功伐勒鼎彝非  
婦人之事撰德行存國史亦孝子之志乃爲銘曰

倚嗟昌兮月出之光如葉莫莫如華皇皇宜啓燕郡作  
張燕公集

卷五

四

合汝陽尊之象服錦衣褰裳以慈行訓曰仁之綱以命  
易難曰義之方婦有柔德亦惟其常女之士行于何是  
臧彼天蒼蒼胡降百殃捨我媚子捐其高堂卽隴芒芒  
風生白楊象物皆盡德音不忘

晉曰上邽縣君李氏墓誌

夫人太祖景皇帝之元孫西平郡王普定之女也賦靈  
陰德資性柔嘉事舅姑盡其敬與娣姒致其睦茂行充  
乎內則懿聲溢於外姻雖幼育王家長自傅保而能謙  
光庶類降心細物手成朝祭之服躬操酒食之品凡婦

人之所能事而夫人莫不備焉府君朱紱之歲也於是乎始受封邑象服盈門魚軒在路姬氏王者之後夫人帝室之親夫貴婦榮於斯爲盛及帷堂而哭有散姜之禮擇鄰而處有孟母之教入閭俟信有諸婦之期出言成章有衆女之誠受命不淑以某年月日卒于同州之私第以神龍元年十一月二十日合葬于萬年縣白鹿之舊塋有子孫殿中侍御史檢身承家揚名爲孝思我母氏感秦伯之詩祈于府君取周公之禮髣髴心迹志之幽石其銘曰

張燕公集

卷四

五

茫茫萬姓朝宗于李婺星分極咸池派水后稷裔孫神貽女士動遵法度居觀圖史輔佐哲夫訓成賢子宜崇徽號以享介祉高堂奄空霜露方始儉用禮節葬非奢美鏡下安臺衣緘泉笥壠烟不散松風長起摘果人迷侵林獸死永言惟孝事親終矣

鄧國夫人墓誌銘

詩美莊姜傳稱孟母庶姬綿邈千載時有猗嗟邦媛柔明直厚龜玉毀楨膏蘭天壽遠矣皇祖肇自伯宗靈基在晉華胄陵江尹茲西楚宅是南邦高蓋結轍圓冠比

蹤魏館虛待周京長發父對雄風母膺坤月珠浦瀆潤  
玉林清越昆弟三人羽儀雙闕家芳淑女國茂賢妃具  
瞻四德芳通八徽步幃馳辨連環定機調絃魚躍弄杼  
駕飛媧后創業軒宮多事高行登聞大家入侍幽贊日  
月財成天地溫室不傳平城盡秘大君命我變禮斷恩  
衛妻空誓息媧無言均養七子劬勞二門始賦膠木終  
歌采蘋多難啓聖羣凶構孽朋家作仇脅權相滅臨禍  
不懼忘生蹈節彼何人斯碎此貞烈氣消日朗旣安且  
平皇心震悼禮備哀榮啓國加等復土陳兵外姻來唁

張燕公集

卷五

六一

中使躡瑩恭惟夫人宿精智刃昭昭開士授之心印古  
無台葬遺言別墳樂藥孝子敢廢前聞服不珍繡盤無  
臧薰室暗泉火松殘隴壽神合大化誰爲小君

李氏張夫人墓誌

臨淄李伯魚妻者范陽張氏女諱德性孝悌柔婉能日  
誦數千言習禮明詩達音妙繪德言容功蓋出乎天下  
伯魚善爲文擢校書郎出爲青州司功而卒夫人寡居  
無子以歸宗焉長安二年年四十有八傾逝於康俗里  
殯於水通門外景龍三年家疚居貧季弟說鸞詞取給

冬十月安厝伯姊於萬安山陽蒼梧不從古之制也北  
望先隴西接妹邱明靈其嘉永安此室銜哀叙誌嗚呼  
孔懷銘曰

送我伯姊萬安之墳精靈何處爲雨爲雲彼臨淄兮千

里望條忽兮賦君公奈何臨窆兮哀榮兮共天賦兮大

序張氏女墓誌

女郎名琰姓張氏洪洞丞府君之少女也聰慧孝友襟  
條鬚哲能讀史書善奏絲桐舉族珍之未成人而天命  
也聖歷中隨仲昆之任殞折於慶州歸殯於藍田別業

張燕公集

卷五

七

景龍年屬家艱季兄說徵黃門侍郎哀請不拜詔許終  
服家貧傭文以取資冬十月獲葬女弟於萬安山陽差  
池姊瑩顧瞻尊闕不亡孝弟慰爾幽魂含酸屬銘投筆  
氣索辭曰

陟彼京兮痛同生兮奈何朝露在薜榮兮共天地之大

德焉早落而無成兮辭靈而哀榮兮共天地之大

序行狀曰

里次兵部尙書國公贈少保郭公行狀

公名震字元振本太原陽曲人也次父任相州湯陰令

因居於魏公少儻廓落有大志儀冠雄傑身長七尺  
美鬚髯十六入太學與薛稷趙彥昭同業時有家僕至  
寄錢四百千以爲學糧忽有一人縷服叩門云五世未  
葬棺柩各在一方今欲齊舉大事苦乏資用聞君家信  
至頗能相濟否不問姓名以車載去一無所留深爲趙  
薛所誚公怡然曰濟彼大事亦何誚焉十八擢進士第  
其年判入高等時輩皆以校書正字爲榮公獨請外官  
授梓州通泉尉至縣落拓不拘小節嘗鑄錢掠良人財  
以濟四方海內同聲合氣有至千萬者則天聞其名驛

張燕公集

卷四

八

徵引見語至夜甚奇之問蜀川之跡對而不隱令錄舊  
文上古劍歌其詞曰君不見昆吾鐵冶飛炎烟紅光紫  
氣俱赫然良工鍛鍊凡幾日鑄得寶劍名龍泉龍泉顏  
色如霜雪良工咨嗟嘆奇絕琉璃玉匣吐蓮花錯鏤金  
環生明月正逢天下無風塵幸且周防君子身精光黯  
黯青蛇色文章片片綠龜鱗非直結交遊俠子亦曾觀  
近英雄人那知中路遭棄捐零落漂淪古獄邊雖則沈  
埋無所用猶能夜夜氣衝天則天覽而佳之令寫數十  
本遍賜學士李嶠閻朝隱等遂授右武衛胄曹右控鶴

內供奉尋遷奉宸監丞屬吐蕃請和親令報命至境上  
與贊普相見宣國威命責其翻覆長揖不拜瞋目視之  
贊普曰漢使多矣無如公之誠信遠近疆界立談悉定  
因遺金數十斤而還公悉以進上奏言揣彼上下之情  
人倦其繇役久矣咸願早和大將論欽陵不爭四鎮獨  
不欲耳但國家每歲不絕其使而欽陵常不稟命自然  
彼落之人怨欽陵日深望國恩日甚設欲廣舉兵徒難  
矣斯乃反間之微旨也必可使其上下俱懷猜阻矣則  
天甚然之無何吐蕃君臣果相疑貳遂誅欽陵弟贊婆

張燕公集

卷九

九

及其兄子莽布支並來降公聲名籍盛授御史加朝散  
大夫遷主客郎中吐蕃輿突厥連和大入西河破數十  
城圍偪涼州節度出城戰沒蹂禾稼米斗萬錢則天方  
御洛城門酺宴涼州使至因輟樂拜公爲涼州都督兼  
隴右諸軍大使調秦中五萬人號二十萬以赴河西公  
至涼州吐蕃素聞威名相謂曰我贊普猶懼吾輩何可  
敵乎相率而去公收合餘衆繕修城壁施法令屯田一  
年而復公之功也公以涼州西據吐蕃北有突厥久示  
其弱未揚天威因徵隴右兵馬一百二十萬號二百萬



集於湟州營幕千里舉烽號令時宗楚客爲相素與公  
不協令人告變則天惶懼計無所出狄仁傑魏元忠韋  
安石李嶠宋璟姚崇趙彥昭韋嗣立張說二十五人抗  
表請保如公有異圖并請身死籍沒則天由是稍安兵  
旣大集人又知教分兵十道齊進過青海幾至贊普牙  
帳贊普屈膝請和獻馬三千匹金三萬斤牛羊不可勝  
數公大張軍威受其蕃禮而還旣伏西戎震威北狄突  
厥獻馬二千匹所獲涼州人土皆放歸塞上從此方鎮  
肅清蕃落畏慕令行禁止道不拾遺凡所規模制作率

張燕公集

卷五

十一

爲後法河西隴石十餘處置生祠堂立碑頌德闡立均  
等爲其文尋有詔許入朝公素無第宅寄居友人之舍  
候鼓入朝忽有人馬前送狀開緘前人已去狀中唯有  
物數而無姓名便於樹下獲騾馬二十餘匹帛三千匹  
公曰豈非太學請葬之士乎因以買宅居止薛稷趙彥  
昭聞之皆嗟嘆良久景龍年中宗楚客韋處訥等潛結  
朋黨憎功害能授公驍騎大將軍兼安西大都護四鎮  
經略使金山道大總管時烏質勒久恃衆倨傲不屈朝  
廷縱兵遠掠道路不通公以衆寡不敵難以力制因率

麾下數十騎徑入部落烏質勒大出兵衛出迎望見公威容端毅風鬣若神不覺屈膝因而下拜公宣國威命抗聲與語自朝至暮雪深尺餘竟不移足質勒頓拜伏語畢歸帳相去二十餘里質勒久立雪中倉卒疾發是夜暴卒其嗣子娑葛集諸將曰漢使殺我君父今須復讎大舉兵衆將追殺公聞質勒死遲明素服來弔道路相逢兵圍數匝娑葛見公忽來未之敢逼但言衛護漢使公至其帳下大哭流涕因撫定其嗣蕃人大喜留數十日助其葬事娑葛獻馬三千匹牛羊十餘萬移居干

張燕公集

卷五

十一

里西域無事道路肅清諸蕃聞之遣使歸降者十餘國時人語之曰郭元振詭殺烏質勒知娑葛與闕曷有釁奏請移於瓜州制從之會中書令宗楚客受金遂寢其事公具以狀聞楚客恃勢囑請召公將陷之公不從又奏請斬楚客清蕃落時韋庶人竊弄國權中宗竟不之省也初安西南有毒河源遠在葱嶺西北河岸百步人畜踏之者輒死公威振西域所向無不從者因驗圖經知其源率兵三萬人歷于闐康居大食等十餘國所過之國令供資糧仍畧其國主爲左右總管率兵前進北

至慈嶺牙帳前十二國王兵百萬餘其河源上有大樹  
高千餘尺垂陰數頃大軍至日有黃龍繞樹以口吐毒  
氣而拒官軍三軍悉覩焉公手書摻檄文令左拾遺張  
宣抗聲讀之畢黃龍解樹而下公率諸軍誅之數日方  
倒聚而焚焉河源且絕數十里內悉爲良田在安西十  
餘年四鎮寧靜韋庶人知政屢徵不至因下僞詔令侍  
御史呂守素中丞馮家賓相繼巡邊欲將害之未及皆  
爲娑葛等諸蕃劫殺之睿宗卽位徵拜太僕卿勅至之  
日舉家進發安西土庶諸蕃酋長號哭數百里或務面

張燕公集

卷五

三

截耳抗表請留因給之而後卽路其至玉門關也去涼  
州八百里河西諸州百姓蕃部落聞公之至貧者携壺  
漿富者設供帳聯綿七百里不絕公旌節下玉門關百  
姓望之宛轉叫呼聲動岩谷自朔至暮傳呼至涼州涼  
州城中男女在衢路並歌舞出城咸言吾父至矣通夜  
城門不受禁制都督司馬逸客聞之謂公近矣陳兵出  
迎會候騎至云始入玉門關都督嗟嘆良久具狀聞至  
京同中書門下三品加銀青光祿大夫遷兵部尚書封  
館陶縣男依舊知政事尋轉吏部尚書知選舉囑請不

行大收草澤睿宗屢下詔褒美後默啜大寇邊拜刑部  
尚書充朔方道行軍大總管築豐安定遠等城以拒賊  
路尋加金紫光祿大夫再遷兵部尚書知政事仍舊元  
帥會太平公主竇懷貞潛結兇黨謀廢皇帝睿宗猶豫  
不決諸相皆阿諛順旨惟公廷爭不受詔及舉兵誅竇  
懷貞等宮城大亂睿宗步肅章門觀變諸相竄外省公  
獨登奉天門橫躬侍睿宗聞東宮兵至將欲投于樓下  
公親扶聖躬敦勸乃止及上卽位宿中書十四日獨知  
政事因下詔曰大臣立事夷險不易良相昇朝安危所

張燕公集

卷五

三

繫兵部尚書同中書門下三品上柱國館陶縣開國伯  
元振偉才生代宏量匡時經綸文武今之王佐出入將  
相古之人傑夙侍宸展疇咨廟堂思致堯舜以期管樂  
朕往在儲幃洎登寶位每觀其仗義感激願制兇邪立  
誠慷慨密陳宏益爾其至矣朕實嘉之頃者梟獍興謀  
干戈作釁太上皇帝旣命朕除討元振又馳奉宸極始  
則賚予爲弼終則寧朕問安可謂格于皇天貫于白日  
元惡旣剪庶物惟新克昌是圖朕豈忘舊宜開井邑永  
誓山河可進封代國公賜實封四百戶物一千段子五

品官尋兼御史大夫天下行軍大元帥是歲大徵兵衆  
閱武驪山兵一百萬號三百萬並奉公節度是日三令  
之後上將親鼓公慮有大變因畧行禮上怒引坐纛下  
紫微令張說犯鱗而諫上乃曰元振有保護大功宜寬  
軍法流新州未至屬開元元年冊尊號赦曰元振往立  
大功保護于朕頃因閱武廐失軍容責情放逐將收後  
效可饒州司馬未至卒于道時年五十八有集二十二  
卷文章有逸氣爲世所重公少負氣縱橫遺意磊落作  
尉巴中不修名檢及登朝受任屢使還方霜明烈心王

張燕公集

卷五

西

立貞節言行忠正居處簡約飭體雜于皇王致君期于  
堯舜公務之暇手不釋卷雖子弟家人未嘗見其喜怒  
前後上疏切諫得失十數道俱焚其藁草不以語人故  
朝廷莫知也睿宗嘗曰元振正直齊于宋璟政理逾于  
姚崇其英謀宏量過之矣舊于宣陽里居二十餘年不  
至諸院馬廐每朝回對二親言笑歸室儼如也不問家  
事與狄仁傑朱敬則魏元忠李嶠韋安石趙彥昭韋嗣  
立薛稷張說等爲忘年之友事父母孝聞父受授濟州  
刺史後以爲相奏請解職授銀青光祿大夫濟州刺史

致仕公歿後二親猶在自我唐受命宰臣有二親者唯  
公而已

張燕公集

卷五

壹



公前

張出公歿於三原節許自許唐受命宰臣  
上蔡共武恭校

張燕公集卷二十五

唐

張

說

撰

祭文

弔陳司馬書

正月癸亥孤子范陽張說頓首頓首陳君之靈頓伏  
蓋遠辱慰疏執對號慟次于展洩來使未還傳君遇禍  
盡哀寢外傷心痛骨明府兄毓德南邦飛聲中夏急人  
之急憂人之憂勇于履危果于從政入使天闕有專對  
之美按俗交州見澄清之節故得振衣衡管割錦閩鄉

張燕公集

卷五

一

越嶂舊風人狂輕剽振之以淳俗格之以華章矯枉過  
中斯害也已齒由剛折膏爲明銷嗚呼陳君婞直而殞  
皇天輔德問之何故疇昔炎海契濶周旋義則友朋恩  
結兄弟方期歲暮煜煜相榮元髮未華何圖零落山濤  
猶在嵇紹不孤逝者有知當昭是意今返防關力報前  
書幽明雖異交友無改悲言下筆涕泗從之并往千錢  
俾陳奠醑歔歔萬里哀哉奈何說頓首再拜

弔國殤文

北伐兮東胡邈遼陽兮孤竹偏師兮覆衆在崇山兮峽

谷露芄荒兮蔓草風蓊蓊兮拱木見馬血兮夜燃聞殤  
魂兮雨哭君王按金鼓而氣憤撫珠鈴而淚滋橫萬里  
兮抽恨弔羣山而寫悲懟凶將兮我辱悼勇夫之被纍  
彼殷鑒兮未遠何後來兮不追對死地兮出陣臨傷門  
兮用師軍奪帥兮虹食壘車脫輻兮火焚旗有纒繫兮  
復矣無范宣兮愧之命窮迫兮短兵錯膚迎刃兮血染  
鏑旋殘潰兮棄組練山猶號兮谷餘戰殫原野兮奈何  
違君親兮不見於戲何天命之奄忽俾仁義之禮兵爲  
蠻夷之俘骨醜大校之飛將間五營之勁卒吾見出兮  
張燕公集 卷五 二

不歸竟名存兮身沒

奉勅亦帝壇祈雨文

維開元十年歲次壬戌四月壬申朔十四日乙酉曾臣  
侍中源乾曜中書令張嘉貞兵部尚書張說謹以清酌  
昭告于赤帝自冬涉春至茲夏首宿麥將秀時雨未洽  
皇帝降服減膳避正廢縣恐害業盛是憂黎庶仁旨之  
勤已極兆人之感未通何辜于天而此不惠曾臣乾曜  
等同力聖日無敢怠荒薄才糝政多所不及神則不用  
或此之由內訟愴惶莫知啓處曾臣等上無補袞下不



利人妨功害能負恩竊位惟神臨照簡擇其心降禍厥  
身墜祿殞命三臣當咎足謝天責萬姓何辜俾失農望  
今因夏享展禮旣終上抒聖衷懇祈人命至誠必感佇  
流嘉液旨酒獻誠神其尚饗

祭城隍文

維大唐開元五年歲次丁巳四月庚午朔二十日己丑  
荊州大都督府長史上柱國燕國公張說謹以酒酌之  
奠昭告於城隍之神山澤以通氣爲靈城隍以積陰爲  
德致和產物助天育人人之仰恩是關祀典說奉承朝  
張燕公集 卷五 三一  
命綱紀南邦式崇薦禮以展芹敬庶降福四毗登我百  
穀猛獸不搏毒蟲不噬精誠或通昭鑒非遠尚饗

榮城門文

維大唐開元五年荊州大都督府長史上柱國燕國公  
張說謹遣議郎行錄事參軍皇甫嶧敢昭告于大府城  
門天有三光地有五行陰陽順序庶物以生霖雨過旬  
晦昧不晴奈何以陰賊陽以蒙蔽明恐害嘉穀無奉粢  
盛維爾崇墉本人所營積陰攸處德在助成苟人是利  
亦神之臧速收雲雨以復天常報爾特豚薦爾馨香謹

以清酌脯醢式陳榮事尙饗

祭江祈晴文

滔滔大江南國之紀協靈通氣降福禦灾是載方冊代  
存祀典歲惟季秋苗稼大熟霖雨猥集農夫未收油油  
秬稻垂生芽孽上則神威將廢下則人心何仰公私憂  
營靡禱不周訴爾明靈撤此雲雨欽儲牲幣俟荅神休  
謹以嘉酌脯醢敬祭禮請

上即賽江文

年月日朔具官某敢昭告于大江之神王有百谷禮尊

張燕公集

卷五

四

四瀆善利維神朝海作質發源岷山駕福來臻率此荆  
土明靈是主已成嘉穀垂敗霖雨聽我虔祈福我農畝  
旣暎旣穫旣場旣庾欣欣衆心願荅神祐潔牲明酌寅  
奠江浦

荆州府城中西北隅舊有殷仲堪祠說到官廣其堂立  
羊叔子廟像成而祭之

維開元六年歲次戊午正月日荆州大都督長史燕國  
公范陽張說謹遣功曹參軍吳興沈從訓敢昭告于晉

羊殷二荊州之神我聞立人之道曰仁與義仁者孝之  
先義者忠之主殷公爲孝子羊公爲忠臣行植晉國德  
施荆人不孤其美是建爲鄰雙風雖舊二廟維新凡百  
君子高山仰止馨香以時敬恭明祀尚饗

祭霍山文

長安二年月日皇帝使并州道大行軍副大總管尹元  
凱等敬薦酒脯時果敢告霍山之神皇帝天覆萬物各  
遂其性祠于羣神罔不咸秩獨彼凶虜默噉悖天虐人  
窺邊猾夏暑無寧歲皇帝哀此黎獻勤於征役憫彼夷  
落毒于昏暴常欲誅其魁首安是藩毗寇虐盈稔神人  
同棄今自送死并朔近驚山陵命將出師恭行天罰惟  
神炳靈參野作鎮冀方歆是正直贊揚威武俾敵馬化  
爲沙蟲王師衆于草木獻捷之日昭報神休尚饗

祭崔侍郎文

維神龍三年月朔日兵部郎中員外曹良史等謹以清  
酌少牢之奠敬祭故侍郎崔公之靈位以行成名以才  
起天臨明代是生君子長戟高門層堂峻址友孝仁愛  
衣冠擿軌清通正直省閣條理束帶立朝惟國之俊抑

揚吐納金聲玉振器不滯方神無留韻厚奉外不爲假  
坦率內不違真泛交而容博好施而能均欲人規已恕  
已及人故者不遺其故親者無失其親歷否泰能全其  
節故令名不離其身方齊六相助明三辰何孤我德何  
負茲神博空落羽中駕摧輪昔時寮列今爲弔賓凡二  
三子夙承遊眷聯務七兵歲陽三變分與時積事由更  
練審審公庭申申私晏慟音徽之永掩懷舊範之不見  
戰容止於綴足潛眉目於蒙面哀哉奈何涕零如霰緬  
惟初疾以迄將亡意氣精爽乾乾自強顧瞻賓客勉勉

張燕公集

卷五

六

矜莊凡不側弁衾無解裳話言靜密憂公不忘猶看駿  
馬尚聽名倡靡神不禱靡藥不嘗條焉信宿俄歸渺茫  
歲初置酒春中酌觴何吉凶之共域同歌哭乎此堂自  
古及今人誰不沒豈嘆生死所嗟倉卒修途未半壯志  
先伐斃子亂年遺允數月在親親與懷舊孰不傷心而  
痛骨虛莫易收深悲難歇尚饗

爲河內王作祭陸冀州文

維萬歲通天元年月朔日神兵道大總管河北道按撫  
使石金吾衛大將軍河內郡王以少牢之奠致祭故冀

州刺史陸君之靈戎羯不道侵軼幽都凶渠殄滅餘燎  
星鋪鳴弓射柳飲馬長蘆攬集同惡難起無虞梟獍爲  
旅鯨鯢有族裳旗未兵剌荻莖木泮泮吞噬睚眦觸逐  
亂舞梯衝潛攻版築鑿齒爭厲熊蹯未熟踰垣自潰守  
陣皆哭高局已陷連樓復焚人類薙草城隨壞雲僵屍  
暴骨藉藉紛紛嗟嗟使君死節無恠政寬成俗兵機不  
振狡爾猖狂難以德鎮城爲仇保身膏虜刀明明上帝  
仁覆憫下赫赫神兵驅馳在野朝告夕赴如何不及將  
守非堅爲寇是急救兵適來涉血猶濕三軍雷歎百城

張燕公集

卷五

七

雨泣天子命我董戎冀方旌旗介胄千里相望旣掃氛  
濁言巡戰場輯穆八吏撫寧孤孀徘徊城府悽愴甘棠  
禮重王師哀深國殤魂公有感歎此嘉嘗又也則上帝  
靈爲魏元忠作祭石嶺戰亡兵士文又也則上帝  
維長安二年月朔日勅并州道行軍大總管兼宣勞使  
左肅政御史大夫同鳳閣鸞臺三品兼知并州事魏元  
忠遣裴思益以酒脯時果之奠致祭于石嶺戰亡兵士  
之靈戎羯慢天南牧映主石嶺橫地北都局戶興我王  
宰保界弁士如何不弔權此寇虜列鎮旣嚴連巖旣削

攻則路險守非城  
忍彼謀匪臧實愆  
偕作援絕兵滅軍  
孤勢弱地拒兩  
陁山望雙嶠塵烟  
大起白刃交錯石  
盡矢窮旗焚胄落  
嗟爾戰夫烈烈忠  
勇奮不顧命志無  
旋踵身沒名揚生  
輕義重天子命我  
理兵晉陽思與士  
衆底寧遐荒痛茲  
壯士剪爲國殤盍  
祈天帝降厲魁方  
助氣金鼓復怨沙  
場虜血爾酌虜醢  
爾嘗封尸死所招  
魂故鄉尚饗

爲魏元忠作祭石嶺沒陷士女文

維長安二年月朔日勃并州道行軍大總管兼宣勞使

張燕公集

卷五

八一

左肅政御史大夫同鳳羽鸞臺三品兼知并州事魏元  
忠以酒脯時果之奠致祭于石嶺死喪百姓之靈北敵  
自擅賊虐不道氣悍朔風馬肥秋草侵軼郡縣驚逼稚  
老奔走山林是障是保兵不義守將不遠謀如何滅寵  
無復燒牛俾爾士女燔于寇仇魂飛狄刃血迸旣裘殤  
悲雨哭氣怨天愁總兵帝鄉言念北阜抗憤戎漠傷心  
按部泣弔郊童哀問田叟爲爾復惡誓滅羣醜蹴踏蘭  
山脂膏葦藪誠若克就沒亦不朽慰爾衆靈酌此尊酒

尚饗

爲人作祭弟文

維景龍元年月日朔從兄兵部尚書某以清酌少牢之  
奠致祭于故將軍弟之靈欽若貽宴俾降馘穀神祚玉  
衣天開金屋縣系溢寵諸宗橫福覩交泰之二儀承序  
殷之九族引同本于條榦合分流于昭穆義有感而意  
深恩無方而情篤况山慕喬頂林晞秀木深仁遠愛俟  
子能復何從才之有餘而輔德之不足舉朝野而皆痛  
在密愛而尤酷嗚呼哀哉永懷令弟言念生平蘭華雪  
艷玉潤珠清禮樂縣解文章挺生三篋暗記千門畫成

張燕公集

卷五

九

風流望美月旦傾聲掌北軍之師律首東觀之詞英偉  
壯夫之獻頌善仁者之論兵睠新豐而臨幸遶湯井而  
連營乃奉車之暴逝忽復綏而凶行軫天悲于宸掖固  
聚族於華京惠連詩夢子敬琴情倘昭昭之不泯知親  
親之素誠嗚呼哀哉尚饗

爲人作祭弟文

維年月日兄某致祭亡弟尚書之靈天實喪予不慙遺  
善家殞玉樹國墜寶臣嗚呼執柔何痛之甚嗟予與爾  
夙遭閔凶哀惇相鞠殆及長成爾性岐實穎德表宣慈

居盡友弟之心言必忠貞之事縣縣我俛俛子而大奉  
祖德之令圖荷朝戚之惠渥白首相對紫綬雙紆爾既  
秉國鈞既敷朝典出牧千里入宰六官予聞爾言嘗誠  
過寵余嘉爾行在貴能卑清淨温恭每希于上士飲食  
車馬不越于平人每思與爾歸印東郊懸輿故甲揚名  
講德居常待終嘗謂老夫没于汝手不圖令弟殞自我  
先及爾纏疴屬予伏枕不見數日長悲九泉嗚呼刊述  
未成平生已盡髮膚猶在魂魄焉知聞爾屬續之辰託  
予身後之事薄葬之禮還從爾心字孤之情不待遺意

張燕公集

卷五

十一

所恨在疾不視于喪不臨沉縣苦懷纏迫斯甚予羸老  
矣傷心幾何人琴兩亡命也命也

爲鄭虛己作祭舅文

維年月日外甥虛己謹以清酌少牢之奠敬祭于故汴  
州司馬四舅之靈豐積周親天禍外氏任舅捐館靈輻  
祖庭四海喪其範儀九族失其陰潤感今循昔觸緒增  
悲恭惟先門逮舅平日淵流莫遠道術同歸穆齊鄭之  
累姻深言孫之至友及鞠凶之際劓巨尖圖賜厚葬  
之恩事優舍哺之育顧省全立功歸撫惠竊持濟于百



懼思効過于一等豈期德素積而力莫疇願未申而禍  
先集不孤之記細爾何依猶父之心忽焉罔報冥昧靡  
覲存亡永違執饋奉酎五牲含塞幽靈昭察當歆宿誠

祭和靜縣主文

維年月朔日敬祭薛氏太夫人和靜縣主之靈惟夫人  
軒庭繁祉羸臺茂淑承訓公宮宜家鄉族博士學藝尚  
書題目法度蘋蘩儀刑松菊夫拜中令昔同鮑婦子昇  
瑣闥今類馮母舉案如賓闔門誠友在貴能降居貧施  
厚天道初革玉風變韶維城落構若木疎條欽聞積善  
張燕公集

卷五

七

智洽仁昭克庇二族命服兩朝肅肅柔和如風是暢娥  
娥女師如月斯望潘興獻壽仲祿方養不弔昊天何德  
之喪嗚呼哀哉洛邑啓殯長安歸陌哭慟高臺旌縣舊  
宅階濕夜露庭陰曉魄嗟我外姻俱成弔客

爲將軍高力士祭父文

維開元十七年月日孝子力士敢告于考潘州府君妣  
南海太君之靈小子不天夙齡閱凶身嬰寇剽家值虜  
裂幸供灑掃之餘遂蒙侍從之顧扶戴明聖逼畏艱難  
大咽不敢不密小亦不敢不誠事必記心言無漏口日

慎一日將二十年玉弁加首金章在佩先靈佑納明神  
降鑒阿母遠至于京華妹兄自拔于泥滓咸以官漸榮  
祿媼通士林慈顏顧復于目前同氣展歡于膝下又緣  
幼育高氏變族移家敬愛盡於二堂溫育周于一紀不  
圖無狀招禍永見孤棄聖主恩華曲逮存歿邑封舊郡  
官贈本邦親感恩澤子承父意致命報天誓有同于曠  
日竭忠資孝志無忝于幽泉敬惟靈懷慰聞昭遂先遠  
有日卜兆新塋遙啓尊親合祔良壤哀迫祖載攀戀須  
臾請以清酌少牢恭陳遣奠盈樽不舉虛饌莫嘗號天  
叩地殞絕何仰

張燕公集

卷五

十三

叩地殞絕何仰

爲妓女祭元十郎文

維神龍三年月朔日故妓人伏十善謹以清酌少牢之  
奠致祭于元十郎之靈涿流茂樹萍蘿是依山崩川竭  
魚鳥何歸恭惟主君高才達節賞心樂事風流不絕歌  
豔露華舞迴春雪幸持此技承君餘悅綺羅脂粉嬌上  
春自言終代保情親寧知一旦君魂斷繁絃清管爲何  
入懷主君之一顧願狗命于九原迫夫人之嚴旨遂投  
足於他門生有十年之愛沒無一日之恩雖強容飾于

新奉心摧絕而不敢言君子廣德仁心必遍疇昔與君  
琴樽歡宴求懷蕙歎俯憐荼苦錫以時珍申哀故宇歆  
車旣展祖奠斯開悲歌助挽長袖乘盃平居好此魂來  
不來心思往而莫遂足欲返而遲迴終天地于此訣毒  
煩冤而難裁嗚呼哀哉尚饗

張燕公集

卷五

七

應與而無嫌則西京詩尚饗

不來心思往而莫遂足欲返而遲迴終天地于此訣毒

車旣展祖奠斯開悲歌助挽長袖乘盃平居好此魂來

不來心思往而莫遂足欲返而遲迴終天地于此訣毒

煩冤而難裁嗚呼哀哉尚饗



